



予在邑庠時聞先師令

趙府長史木菴趙先生常云吾鄉

宋太師譙國忠靖公松隱文集蓋嘗觀之心切
嘉敬其文藻華麗炳琅昭如日星豈珠玉
錦綉之可比倫矧其忠貞懿行表於青史間
又烏可而企及哉予深紀胸臆而不及拜觀之深
切自嘆嗣後予膺負至

京師廁職

鳳池叨陞大理官

侍從兩京者三十餘年迹因冒感風疾承



恩賜歸醫治頗得清暇其十世孫曰參者自幼情
交得請訪焉得請而拜觀之集計六冊通四十
卷字、精明年少脫落洵能躬函藏之不啻如
拱壁而亦不輕示於人故宛然若新噫由宋迄今
歷四百餘年然非

忠靖公世有賢子孫能崇儒當古寶爰恪守先
人之手澤於悠以寧有不失傳而弊壞也哉其於
尊祖敬宗之道至深切矣抑又聞之其中葉類
復不以金玉奇玩為事而以此集為至寶者可
謂知所重矣誠可謂賢子孫矣吁作之於前者

固難而守於後者為尤難後之為子孫者宜志
夫忠靖公之志為可勉也當以心夫參之心為可勸
斯不墜夫家世之所永傳予故樂識於是集之
末以堅其志云時

大明正統五年歲次庚申春三月朔旦
大理寺正王湖洪益中敬識

松隱文集卷第一

賦

迎鑾七賦序

紹興十一年十月內蒙 召赴 內殿曰欲遣卿請

還 梓宮 太母天眷卿可治行奏曰臣自北歸仰

荷 大慈識擢寘在左右惟期竭盡心力不愛髮膚

以答知遇茲蒙委使仰託 聖孝泊 天威所臨使

事必濟况臣竊觀 陛下建 慈寧宮預設宮中人

物服御無一不備日夕祈禱早奉 慈顏固有年矣

天地助順必如 聖心願承 聖略奉以周旋上曰



朕自頃被命出疆以至稟大訓即大位於今十
五餘年未始一日不北望庭闈永懷溫清幾無淚
可揮無賜可斷所以頻遣使者痛念親庭居患難
久宜有以承休命仰計上天亦相其為言已泣
下左右皆掩泣上曰汝見虜主第云父母眷屬
久蒙安存恩德至厚然歷時為多霜露之感在人子
何以堪處亡者未有葬藏之期存者已逼桑榆之景
兄弟聚族所存無幾今荷基緒居人上每歲時節物
風雨晴晦必北首流涕若於此時大國垂念父兄子
母家眷如初則舉族感德子孫相付不忘於心誠恐

誠恐老者有蒙犯不虞却為上國之恨卿以此意盡
言當有相應奏曰臣恭被聖訓已無可加損至臣
下意所不及陛下教語莫不由當事情臣至則宣
布聖孝自應感動夷虜幸寬宵旰之念拜謝而
出後同何鑄入國至十二年方抵金國又西北行三
百餘里名春水引對開先殿具陳上所宣諭與何
約伏地者三余為義氣所激語次淚霑朝服又陳
本朝頃有四德二功於上國上國乃稱弟以答本
朝非若契丹於上國徒有仇怨既歷奉六事虜主與
兀朮左右大臣皆首肯意極惻然已而兀朮傳虜主

語云好待與大臣評議歸館聽旨馬上館伴翰林學士張鈞曰帝與國相見公所言激切志在忠孝甚喜以從來南使未有開說曉然如此者皆實事必有思也是晚諫議大夫耶律紹文大理卿楊仲脩到館傳虜主云早來使人所請宜允出答國書相示退後南望闕廷稱賀老夫獨號慟淚不能止也亦痛定而然回程後奉迎還闕踰旬請祠瀝懇再三方蒙上恩許居天台山作此圖賦以傳家

受命

僕幼稟嚴君之訓兮詩禮是傳約已惟孝謹兮忠恪

是肩冠歲以此道際遇 徽考兮自九重而從幸北
邊不以艱棘易操兮在醜益虔 密奉 徽考宸翰
以勸進兮獨月涉星奔以南還荷 上聖恩俾列班
聯蒙 訓詞之哀切祈 梓宮慈寧於北轅恭仗漢
節持禮首燕

啓行

噫嗟東夷重譯北陲始虔劉兮耶律繼侵犯紀兮帝畿
終叛約而係累民庶復逼擁翠華於虜旗 嗣聖仗
鉞再造洪基虜畏威而請盟許隣壤兮淮湄申命東
信夙夜載馳仰 上聖兮永懷溫清撫四海兮靡日

不思感臨遣兮丁寧誓捐軀兮指關

見接

即路北指涉江整淮理無南首地關天開至泗濱而
就驛無伴使兮裴回肆遙既款詢予茲來略陳大綱
虜使捧手而昭曰何其艱哉盟未歷時理難遽諧僕
謂曰我國家以聖繼聖布恩禮兮孔該施報合度
尔宜廓懷

北渡

晨起攬轡忍臨故汴所過郡邑人物皆漢慘神都兮
東入望雙關兮魂斷泣經舊止路人驚眙帳予懷兮

靡陳豈止黍離之嘆麾拂全趙旌族燕鴈指扶桑兮
萬里值隆冬兮雪滂寒幾墮指噤欲神散涉遼河兮
航渾同逾御林兮抵春甸虜方大為海東青之擊挿
天鷲毛血以自薦

傳命

即日入謁周衛在廷奉書幣於穹帳感日色以重明
肅冠裳以儼若陳舜孝之懇誠擴聖意兮縷及如
天語之丁寧伏蒲三至群醜竦聽余淚在服虜惻然
者再兮果允言以欽承

許還

伏威靈兮下九閭格驕虜兮荅辭甚溫紛館舍之踪
躓傳虜帳之有言以孝意之誠孝其前事兮莫論
太母康福宜奉晨昏梓宮在空願歸寢園即以仗
衛遣使駿奔連余駕以入謝諭其國之酬恩虜曰託
寶鄰之堅持願無忘於子孫

回鑾

寒澹絕漠暖移朔雲啓五城之鑾取蕩陰山之妖塵
喜動慈顏和氣回春虜君臣以奉辭眷接遇兮意
真肅東朝之儀物嚴車馬以備陳撤毛毳幕之蔽抑
御玉輿之高尊咸呼萬歲聲溢穹旻夾路夷夏仰德

吾君

上接

有國所無迎還鑾輿渡江淮兮波平鼓笏揖鱗趨
於是天子儼法駕陳路隅事創見民傾都仰
二聖之重會決八紘以歡呼天地清明子母如初

身退

居數日子以久留異地困於力役賀在門固莫神
予宵臆目念賀者以予之功也而功不可居談者以
予之能也而能者皆陛下之德又况妨功害能者
豈容尔振職念若併棄於薄勞曷若遠鑿於在昔於

是再上疏求骸骨殊恩灼知兮許奉祠而藏迹欣策
騫兮出脩門揭路隅兮誰復識

閑居

卜築天台松竹靚深侶方外之高士訪親舊之知音
一觴一詠有書有琴村歌社舞時以樂楮冠雲衲間
以尋兒童漸長歲月任侵亦何知老之將至惟安天
命兮行吾忠赤之心

古樂府

補樂府十篇并序

夫小雅廢而頌聲寢王澤竭而詩不作何則治亂之

迹殊而哀樂之情變也故蕭韶歌虞鳥獸率舞靡
歌桀淫洎流化是知吟詠情性閑乎盛衰參諸天地
俯仰疾徐接於影響形於風化傳以為動天地感鬼
神不亦信哉予讀古史見六代之樂及覽外傳自宓
犧以至于商皆有其名而亡其詩唐元結嘗第而補
之惜其文勝理異予志於古而不及見者也因申其
名義補而發之庶幾一唱三歎當有賞音者存焉云
爾

帝宓犧氏之樂歌

罔畧以利民也

帝宓犧氏之樂歌

罔兮畧兮惟田渙時兮食兮民之須以享以祀兮燔
祭有餘

一章、三句

帝神農氏之樂歌

豐年報帝功也

豐年告成百穀用登匏籩既盈黍稷既馨昭假是膺

一章、五句

帝有熊氏之樂歌

雲門紀瑞應而昭靈命也

於昭上帝靈命有赫其命維何卿雲五色翩如游龍

萃如山崇來臨來止惕然有顛惟欽惟畏迺祗迺庸

肇建官師神民肅雍

三章、四句

帝少昊氏之樂歌

九淵澤及飛沈也

鳶飛于天魚躍于淵侯其尸之其然而然物之生矣
時其殖矣職其宜矣安其居矣神之降依昭格左右
霜露所霑罔不在宥

三章、四句

帝高陽氏之樂歌

五莖萬物遂其性而遍諸嘉生也

悠、上天罔不覆護兮、動殖靡不康阜兮三光

全兮五穀熟兮神顧歆兮吾人昌兮維上帝之功兮

疇依

一章，九句

帝高辛氏之樂歌

六英草木暢茂而被其光華也

時雨濙，自西及東日月所至罔不率從田有麥稷

原有榛栗尊卑秩，民有家室惟天冲，惟天崇，

允執厥中臻於大同

三章，四句

帝陶唐氏之樂歌

咸池德施周普而流于罔極也

鴻惟烈祖啓迪後人皇，上帝僉予字民，協平康中庸

帝命式威宅彼陶唐光于萬方萬方億寧止莫我敢

承如天之運如日之升孰知其極兮不可得而名不

可得而稱

三章，二章，四句，一章，六句

帝有虞氏之樂歌

大韶能紹帝堯之德而同於無為也

草木繁穠兮陰雨膏之百穀豐衍兮寒暑成之萬物
護理兮元凱馴之頌否德之弗類兮敢不允躬以承
之庶揖讓以救救寧爭兮傳諸罔極世不乏聖兮惟皇與
直俾帝堯之至公兮終維斗之不忒

三章、四句

夏后氏之樂歌

大夏美其功利之大而民歌樂之也

於皇上聖臨御有赫洪流湯、弗降弗辟命于帝庭
纂服是膺隨山濟川海寓攸寧五服既宅負有常職
思覃遐荒惟帝之力元圭告功敢不承式地平天成

垂休罔極

三章二章、

四句一章、

八句

有商氏之樂歌

大漢美其寧亂救民而能覆護之也

維天有光式彼大商俾正以尔萬方萬方其乂易亂
為治至于上下鳥獸草木罔不安遂帝命是膺聖政
日新佑我烈祖以克相尔後人

三章一章、

三句二章、

四句

琴操并序

唐韓愈依古述琴操十篇詞存而義不復聚見又聲

譜僅可傳其彷彿而莫知其由是故悲思怨刺抑揚
折中皆不切其旨夫所謂操者言其志節之不可以
變而衆人之莫吾知而一歸於時命將感激以自傷
寄之于音聲者也夫抵皆賢聖憤懣之所為作也今
依韓愈先後之次復述十首各冠其事於首篇云耳

將歸操

孔子之趙聞殺鳴犢作
水之深兮可以方舟人之非兮不可以同游斯人斯
游吾心之憂

猗蘭操

孔子傷不逢時作
猗嗟蘭兮其葉萋，
兮猗嗟蘭兮其香披，
兮胡為乎生茲幽谷兮不同雲雨之施紛霜雪之委集兮其茂
茂而自持猗嗟蘭兮

龜山操

孔子以季桓子受齊女樂諫之不從因以去魯望龜
山而作
龜之奔兮萋，
龜之雲兮霏，
余之行兮遲，
龜兮龜兮魯之所依匪顛匪危兮靡扶靡持余之行兮余
心其悲

越裳操

周公思文武之勤勞傷時君之德不能致越裳之臣也
彼雲雨兮曾莫之私黍稷繁穡兮草木其宜田野不
辟兮其誰荒之遠人之思兮其誰來之其勤其施惟
先君之思

拘幽操

文王拘羑里所為作也
風入我室兮霜入我衣言不敢發兮聲不敢悲惟皇
考有訓兮余罪之歸余心耿兮其知者為誰

岐山操

周公思時黷武思太王之德所為作也
幽之士兮民之所宜幽之居兮民之所依予何為兮
尸之我將全汝兮之岐之陽汝其保寧兮無越汝疆
斯歸斯徂兮其誰之將嗟今之人兮何思何傷

履霜操

尹吉甫子為後母見逐畏行太山下感帝舜之事所
為作也

皇之車兮僕夫馳之皇之輿兮僕夫乘之沉、廣宇
兮燕雀安之晨羞夕饒誰其眎之親不我思兮我寧

不悲皚、繁霜兒則履之父兮 母兮兒知兒非

雉朝飛操

收犢子行年七十無妻見雉雙飛感之而作
雉兮朝飛鳴聲相隨朝刷其羽兮夕哺其兒維有風
雨兮莫或化離嗟余之人兮魯莫汝為

別鶴操

高陵穆子取妻五年無子父母欲其改取其妻聞之
中夜悲嘯穆子感之而作
明月皎、兮霜風淒、推雲翼兮天之涯望昆丘之
路兮不可以同歸子其棄子兮予將疇依月皎、兮

風淒、

殘形操

曾子夢狸不見其首感之而作
狸之文兮蔚乎其成章身之孔昭兮而其智之不揚
維元首之昧、兮而股肱孰為其良吁嗟乎狸之祥
兮非吾之傷兮其誰為傷

松隱文集卷第二

古樂府

吳歌為季子作

佳人一往兮不來國為墟兮莫知儂自守兮誰依俟
河清兮幾時帳姑蘇之崔嵬來鄰知切

楚語為屈平作

瞻荆穎兮盤、悲淮流兮潺湲彼何人兮獨安此何
人兮獨難悼哲人之不及兮抗靈轡于江干

孔子泣顏回

噫嘻吁天歎人歎回也抑亦子之命歎而其或者天

實使之喪予何仁者之不壽而中道之棄兮噫嘻吁
回歎回歎其吾道之窮歎

孔子泣麟歌

吁嗟乎麟兮麟兮汝曷來之遲兮唐虞不作兮湯武
非來者不可見兮而往者不可追吁嗟乎麟兮非吾
之傷兮而其誰汝為

隴頭吟

古樂府有名無詞因補之

烏落黃雲塞草秋隴頭之水東西流水聲嗚咽嗚啾
啾馬聞思舊樞人聞思舊丘年、征戰無時休無時

休誰能到此求封侯

兵滿天山雪滿衣漢家都護擁旌旗銜枚一夜襲疎
勒度隴生兵盡潛出不得戎王誓不歸、時楊柳正
依、正依、占春色與君同醉花陰側

澤畔吟

駕文螭兮翔九天、路遠兮中道還邈故園兮懷所
安心耿、兮循江干細秋蘭以為裳兮採杞菊以為
餐望佳人之不來兮暗脩塗之莫前暇江流之無垠
兮仰蒼、而滂、想荆門之遐阻兮壽春杳隔于天
淵痛靈脩之獨處兮誰復與之寤言氣填膺以拂鬱

兮淚承睫而漣，悼已往之脩繫兮欲易道而改轅。
頽和璧之三獻兮，異識者之一觀。阻風雨之慘，兮
而夜不得明。哀時運之若此兮，余又何默。於久生
寧懷沙抱石以自沉兮，庶齋志而下信。維世人之不
吾悲兮，吾容能不悲夫。若人吾願託夷齊以為紹介。
兮脩請謁於黃虞，弔巫咸於帝閭。兮友陽侯於子晉，
幾江神之不我瀆兮。吾容委質於淵魚已乎已乎。其
靈脩終不得而見乎。

白頭吟 并序

昔百里奚去虞備賃自給秦以五羊之皮贖歸任以

國政後悅秦女而踈其妻。司馬相如游官不遂，文君
奔之後，因其資得極意於文詞，絜貴悅茂陵女子。文
君見棄作白頭吟以傷之。

相如素貧賤，羽翼依文君。一朝富貴擅名價，文君見
棄如束薪。五穀自備賃，釋褐歸強秦。鳴鍾列華屋，膳
羞羅八珍。厭此糟糠妻，悅彼新美人。二子既失意，瑤
琴流埃塵。促軹不成曲，未唱先眉顰。一發動三嘆，淚
下霑羅巾。通宵坐披衣，風昔誰與陳。愁嘆不復道，平
明白髮新。

梁甫吟 并序

昔人有壯歲從軍老而還家窮獨無依晨行泰山下
回疾哀歌以自傷後人感之陸機沈約皆有此作叙
時運流邁君子履信思順悲感之意因申而廣之為
變體云

晨行泰山下興懷念梁甫欲往失所從荒塗亘古今
却立空踟躕憂來與誰語日暮遵歸塗冥暗風雨
錯漠傷懷抱僅得依門戶愔然廢長謠培塿隘齊魯
何當執策從銜旗翼贊登封繼三五

待旦吟

彼凶人兮何所思憂耿兮天一涯舉家親屬散百

草閉山萬里難追隨更長不寐聽鳴柝寒風蕭瑟如
淒悲安得此身有羽翼脫然避地能孤飛中宵起坐
待明發悄悄側身聽晨鷄

纏綿冰雪陰風寒松竹半死相摧殘巖居谷飲蔽荆
棘藤蘿委地難躋攀猛虎志大自羈束易飽不及狐
兔安鷄鳴起舞亦滂與扣角卒苦真可歎堯禹既往
小白死烏乎吾道何由還幽憂展轉不成臥安得日

出開重閔

靜夜吟

靜夜何所為坐對一枝燭俯仰徒四隅歲宴靡儲粟

春耕之良疇秋獲罔芻菽念至輒自營一飯常不足
晚食已多幸况敢望梁肉上無官守累下無征斂促
燕坐樂有餘自足無多欲寄語當塗士吾腰未能西

除夜吟

夔、夜漏嚴軍鼓、聲入雲、欲舞寒風負鼻頑無
聲野色埋光暗塵土梅花隨臘散胡笳胡笳曉色明
春圃春風直莫媚新聲、折梅花還作主

夜坐吟

空階夜滴秋宵雨、入芭蕉動窻戶佳人愁寂坐幽
閨良人萬里勤征戍勤征戍在何處五載乘邊守當

路漢家新築受降城戍卒還家免租賦歸來直莫歎
白頭濁酒狂歌醉朝暮

長夜吟并序

昔魏公子信陵君招賢下士救垂亡之趙挫虎狼之
秦連諸侯之師西嚮以報秦人固守鼠伏而不敢出
安釐王畏公子之賢遂罷公子兵公子恐近禍因與
賓客為長夜之飲余悲公子之志作長夜吟以申之
舜枯槁堯瘠癯益稷播藝躬耕鋤神禹勤瘁勞體膚
子孫放廢等庸奴一身辛苦踰匹夫孔子稱大聖顏
子稱大儒寢席不暇暖簞瓢困窮廬盜跖飽人肉列

鼎吹笙竽莊躡肆淫虐玉食駟華車人生貴得意孰
識賢與愚白日沉西山煙靄低平蕪悲風攪原隰勁
氣摧高梧敬鍾蒲前進賓客羅簪裾侍女艷流景芳
澤揚通衢珍肴如丘山美酒如江湖賢聖苟如此不
醉將何如

智士名不足愚夫樂有餘况復冬夜長風雪迷通衢
美人邀我飲清酒開玉壺明眸艷紅燭流盼光四隅
紫風轉脩袂逸響緣綺疏龍香滿珠閣蘭氣生羅襦
遺簪復墮珥笑語相迎扶回頭問公子不醉將何如

苦雨吟

巫山埋空曉光沒寒入風聲散蕭瑟滴瀝深摧十二
峯峽江漲白洗青壁群陰寂，蔽陽烏搖蕩春愁滿
南國何當義御駐中天為我驅除風雨黑蜚廉先駮
走寰宇列缺揮鞭起龍虎鬱儀頓轡潛海隅九野冥
冥暗風雨飢鳥逞翅墮曾穿軍鼓無聲如擊缶青苔
緣砌上高堂簷溜侵窻入煙霧南山，叟桂為薪四
海橫流阻行路安有王春四百八十時蕭，風雨迷
朝暮我願得媧皇煉石補此破漏天令三光繼明萬
物可睹免使百萬億蒼生憔悴困泥土

空謠吟

抗響躡飛景携手仰負羅空謠發新聲群響隨節和
瓊音動虛籟神宇凌高歌偃蓋滄浪宮整襟翔玉華
流目歎塵袂軒冕早泥沙吐，樊籠子胡不餐朝霞
它年一杯土得失奚足誇舍生失天爵擾，真蓬萊
長吟續短吟

桐花葉密春風老長門路暗迷芳草螢燭流暉露濕

光蟾蜍景落莎鷄曉金烏出谷上蟠桃別院笙簫歇

未了九華煙滿醉楊妃樊姬靜聽鷄聲悄悄舊人直莫妬新人別有蛾眉

更妍巧
續巴東三峽歌

梁簡文帝有巴東三峽歌止存兩句曰續而廣之

巴東三峽巫峽長猿鳴三聲淚霑裳
明夜寒，雨霜相望各在天一方安得身有羽翼如鴛鴦千里同
相將

三峽流泉歌

古詞皆云琴集云初阮咸所作今新而補之
草木搖落兮露為霜三峽之水兮流湯，我欲絕之
兮恨無梁邈佳人兮天一方明月皎，兮泉流湯，

棹歌并序

李白文集有金陵翫月醉著紫綺裘烏紗中與酒客
數人擢歌秦淮往石頭訪崔四侍御因作擢歌行以

紀之對始春詩
謫仙醉揖金陵月浩歌日送飛鴻絕江城樽俎照清輝
輝樓臺忽作烟霞宅長杯引竭北斗空吳歎楚舞無
顏色行、倒著紫綺裘徑上蘭舟岸紗幘笑談欬唾
驚魚龍歷塊群山看滅沒石頭水底度冰輪迢、碾
破澄空碧左回右眇生英風聯袂招邀盡狂客相將
醉臥綠蘿煙三山不動鼇無力秦淮寂、江月空人
物風流難再得

陽春歌 并序

日月易失徂年不留壯歲多艱行及衰老感此良辰

歌以見意

草木榮兮春歸桃李芳兮菲、彼日月兮如馳人生
行樂兮能幾時上林池館變荆棘姑蘇臺榭游狐狸
人生行樂兮能幾時能幾時兮可柰何當歌莫惜朱

顏酏

漢家離宮三百所高捲珠簾沸簫鼓車如流水馬如
龍蘭麝飄香入煙雨通衢夾道起青樓金馬銅駝對
公府五侯同日拜新恩七貴分封列茅土玉窓朱戶
盡嬋娟絲竹聲中喧笑語玳筵珠翠照樽壘繼燭臨
芳醉歌舞醉歌舞醉歌舞天長地久無今古

白雪歌 并序

樂府有題而已詞今補之
白雪如玉皇人壽穀白雪如霜皇人樂康還余駕乎
歸來覃威德於八荒

秋風歌

蕭、兮寂寥勞心兮切、交河水冷胡馬驕良人萬
里從嫖姚羅衣寬盡慵梳掠翡翠無光香自消

迷樓歌

項昇出南國枝巧多淫思草圖獻天子賞激嘉宏規
瑰材蔽江海斤成風雷千人扶一棟萬棟高巍、

飛鴻歷層簷雲雨坐塔墀五彩間金玉百和雜塗坭
仙葩粲楹拱七寶裝雲楣一房百家產萬戶羅東西
龍綃開寶幄簾幕垂珠璣光景艷流日樓閣低天維
笙簫動虛籟絃管明歌姬撞鍾擊鼓恣行樂牙檣錦
纜環江隄天長地久有時盡君王此樂無時衰詎知
變故起倉卒不悟人迷樓不迷

君不見秦皇愛阿房死葬驪山側煬帝愛迷樓死葬
迷樓北乃知生者魂即是死者魄生死在迷樓一死
良自得只應來夢兒夜、猶相憶

宛轉歌 并序

按齊諧記云昔晉劉明惠女妙容之所作也
明月皎兮江水清促瑤軫兮寫余情有若人兮鏘
珮瓊申婉約兮揚新聲託明君之幽怨兮留遲風以
掩抑借餘音於宛轉兮韻繁諧以周密悵流月之西
傾兮恨彌襟而歎息歎宛轉兮情無極

吳歎

水滿長洲月滿樓姑蘇臺榭鏤深秋君王不見春花
老響鞞廊中有勝游

楚狂接輿歎

世謂夷齊以為溷兮指箕子而為愚既採薇以餓死

兮又被髮而為奴鑊錮見棄於鈇刀兮魚目寶於隋
珠彼蜂蛭之隱微兮安能語神岳而觀清都已乎已
乎無為察而辨璠璣與砒砒

項王歎

古樂府有鮑幾項王詞斷章云悲看騅馬去泣望艤
舟來氣格媿懦不稱因續而起之
提三尺兮百諸侯手天下兮裂九州時不利兮絕淮
流江雖可渡兮吾何求寧闕死兮蓋漢囚

碧玉歎

南山有桂樹上與浮雲齊上巢雙鴛鴦下合連理枝

不夭亦不傷千載當若斯

三婦艷歌

大婦雙綺襦中婦紅羅裾小婦服翡翠
理曲調笙等
良人幸安坐美酒傾玉壺

大婦織雲錦中婦繡鴛鴦小婦獨無事
對鑑理紅粧
良人幸安坐帳暖自添香

團扇歌

白露團玉階秋風動羅幕御幸各有宜
非為君恩薄

嘉游歌

紫殿香風暖珠簾壁月斜閣中調寶瑟
門外駐羊車

元丹歌贈會稽陳處士

塵波溢目深溟渤往古來今空出沒
喜君相見話丹
經起我凌雲惡阡陌我生素乏兒女
姿面上巉巖聳
山骨少年避地東海隅架竹編茅翦
荆棘白雲為我
開山容清風為我翔真域旋屬羣寇
迫毆攘淬出青
萍閉丹室風塵瀕洞十餘年靈府
芝田漸蕪沒逢君
蹤跡類秋蓬遺我刀圭延歲月何
當橫槩靜寰區同
子山居論丹訣

薄暮動弦歌

涼風生晚渚碧草羅夕陰置酒高樓上
延月開靈襟

穠粧映桃李，楚舞流清音。金石間絲竹，逸響飛華林。
賓朋盡後彥，然諾輕千金。游俠事遐覽，個儻早陸沉。
常恐芳菲歇，行樂乖寸心。良時難再得，有酒須頻斟。

松隱文集卷第三

古樂府

聖人出

古樂府有題無辭，因新而補之。
升太微法璇璣，闢紫宮清九圍。甄符命以膺，歷節氣
禋而建靈旗。混同書之文，軌兮納民物於雍熙。噫嘻
惟仁惟義，則吾知其能所以保持。

飛龍引

炎精應運開，真錄神母啓。夜潛哭五星，同軌莅秦
雍。十二真人翔水回，斷蛇約法授天人。項籍叱，徒

驅逐蕭曹翼，冠元功三十一君兆開國君兮百兮
俱會同灑掃乾坤開壽域

上雲樂

真王嚴仗衛清道表前旌翠輦浮龍藻霜戈麗虎兵
哀笳鳴廣路警蹕過曾城後乘超王屋前驅上玉京
諸天觀鼓節列聖肅儀升朝謁虛皇罷麾幢下始青
蒐兵寧紫戶閱籍按黃庭十洲皆承事九宇仰裁成
暇豫迎春宴還宮台百靈綠室陳歌舞陽臺煥日星
玉酒浮樽滿天花覆坐馨空謠洞真唱遐覽悲劫齡
俯眎紅塵子起滅輕浮萍

君馬黃

君馬黃臣馬蒼君馬短臣馬長馳駘不敢先騰驤左
右先後惟其良臣馬勞悴君馬康君馬康無相忘一
勞一逸固所當君馬無逐臣馬強

春風引建康作

憶昔上國宣和初時平比屋驩唐虞天王祀樂縱游
豫翔風和氣凌天衢蒼龍頡春動時輅晴光彩錯明
金鋪扶晨官師會朝請雜沓劔珮諸侯趨仗移走馬
退東掖闈、車騎喧傳呼笙簫合啓送歌酒游人買
笑捐金珠太平一百六十載四夷面內無征誅歌聲

未新霓裳舞胡兵直指隳神都蒼茫萬乘扣軍壘六
龍不御驚鏃鏘陰虹當天變白晝中原化作羊犬區
黃旗悠，渡江漢百僚竄伏天一隅南極三吳北燕
薊西秦東魯殘羌胡至今甲歷遍三四生民散盡悲
巢鳥我每思家限淮水搖，心與飛雲孤江城春風
漲白浪鷄聲可數屋可踰兵躔九宇無花木憔悴春
風空綠燕

日出引

雲冥、風淒、綺疏未白鷄已啼角聲纔斷闢朱扉
闢朱扉款朝日君王劍珮朝諸侯赫、明、光萬國

思歸引

歲崢嶸以高逝兮辰一往而不返夫君胡為乎伏幽
陵而連蹇邀佳人之懷余兮策予馬之不前亘川塗
之脩阻以紛錯兮積雪漫、而蔽天期百舍之不息
兮命予駕而勉旃

筮篔引

行天 乘龍行地莫乘馬龍馬各有待牽連一時假
至人運獨照八表周神化結交當結心勢利徒夸詫
兔絲倚高松纏綿不相舍秋風飛嚴霜榮枯何所籍
富貴人所慕貧賤人所鄙妻媿薄蘇秦人事古如此

游子歸去來勞生良可耻

日出行

日出東海隅照我草屋東
屋東有榮木光彩生瞳眈
春草凝碧色春水生芙蓉
江山發深秀和氣翔春風
六龍儼靈變萬物咸昭融
羲和羲和無曠尔職無替
尔功使吾兩目常明兩耳常聰
則吾將薦汝於上帝而復子以重黎之封

升天行

上智保冲淡練氣固形質
精神藏杳冥獨照出冥默
三炁俱混同求死不復得
其次崇真功立言與立德

軒后御飛龍旌幢煥晴碧
揚許奉丹書凌空佐天職
董奉乘雲輿秦女跨文翼
茅山與荆山遺蹤宛如昔
旌陽與劉安鷄犬翔真域
清虛王陵孫藐、膺九錫
雲表鳴簫笳仗衛嚴霄極
即事非荒唐粲然若白黑
揮手謝時人緱山有仙迹

結客少年場行

結客少年場驂騑從驪驢
闕鷄橫大道獵騎卷平岡
婚姻聯衛霍賓客紛金張
報仇通姓字排難匿行藏
功名看寶劍富貴珥貂璫
逸氣凌秋鶚清才負錦囊
恢諧驚四坐議論駭諸郎
日暮平康裏花陰醉滿林

又
結客少年場橫行靜朔方嫖姚新拜將親遊羽林郎
百寶裝犀甲千金飾箭房笑談看匕首博戲賭香囊
聚飲胡姬酒同升射雉堂懸綺絕沙漠分麾入范陽
陳前俘黠虜馬首拜降王歸來辭厚賞小閣醉紅粧
涇溪之水兮猶可以方舟涇溪之人兮不可以同游
涇溪之阻兮猶可以為梁涇溪之險兮石齧吾膺涇
溪之水兮猶可以徒涉涇溪之人兮不可以相接

長安有俠斜行

長安有俠斜劣、通香轂道逢二少重問君住何曲
我家本神京住近濯龍北長子爵執圭次子為相國
小生無高位校讎在天祿三子俱下來游人住行足
三子俱入門金紫照華屋三子俱升堂戲綵弄絲竹
大婦縫羅襦中婦裁冰縠小婦調鳴箏切、聲相續
丈人幸安坐置酒奏新曲

長安有狹斜狹斜難方軌道逢兩青衣問君住何里
我家銅駝陌高閣通朱戟長子爵通侯次子懸端揆
小子事游俠個儻卑豪貴三子俱入門軒車羅甲第
三子俱升堂光彩動階陛大婦理珍裘中婦曳雲帔

小婦弄笙篁明粧擁歌妓
夫人幸留連雅舞揚清吹
飲馬長城窟行

漢馬飲長城匈奴空塞北
東胡與烏丸先驅出絕域
月氏合康居受詔發踈勒
右校羅天山左出林胡國
嫖姚登狼居旌旗照穹碧
號令明秋霜虜帳餘空壁
瀚海無驚波獻捷走重譯
大將朝甘泉後部騰沙磧
九宇動聲容功烈光篇籍
將軍拜通侯歌舞連朝夕

胡無人行

漢地山河遠邊城草木長
西戎空大夏北虜送君王
禮樂兼三統軍書混八荒
征伐司衛霍奉使遣蘇張

號令知無外衣冠入夜即蒐兵
臨瀚海郡縣裂姑威
郵傳通族障奚奴識憲章
華夷同正朔天子坐明堂
西極奉龍馬何用贄白狼

胡無人胡無人嫖姚十八為將軍
酒酣耳熱氣益振
胡兒百萬空成群兵車麟
動雷轂漢軍霆擊崩屯
雲登封居胥轉瀚海波澄
萬里無纖塵胡無人胡無人
六羸夜遁徒苦辛當時足雪平城耻
猶恨逋誅尚有人

釣竿行

昔有伯常子避仇河濱
其妻思之為釣竿歌每至河

側輒歌之今補而續之云
臨北坂望南山，長水遠心博。
鉤有餌兮緝有竿，魚深潛兮秋水寒。
念王孫兮何時還。

春江行

蒲嶼連芳草，天桃問柳堤。
征鴻下天際，游女過前溪。
魚沒驚帆影，林疎見鳥啼。
王孫聯繡騎，童子解看鶻。
吳姬笑留飲，同指畫橋西。

艷歌行

陽春麗革旦，杲日延清暉。
庭前夭桃花灼灼，流芳菲。
佳人惜良辰，游子行不歸。
君看夭桃花芳菲，能幾時。

塞北行

五月無芳草，經年不見花。
蒼煙埋古木，朔吹卷龍沙。
猶逢阿母海，愁看白博叉。
彷彿南箕下，遙瞻望漢家。

淮南行

人去宮門寂，丹成寶鼎空。
砌下苔錢紫，庭中霜葉紅。
思君聽松籟，精魄上高穹。

月冷桐陰靜，霜紅桂影寒。
碧蘚封丹室，青松覆玉壇。
如何後鷄犬，不得廝驂鸞。

青漢謠

鼓策飛晨華，翹轡玄景阿。
雲裾動星漢，流彩鳴玉珂。

若、拂青靄俛仰窺負羅群真儼龍駕拊節揚空歌
靈風翔玉京音響生雲和飛軒出閭闔霄紫高峩
覽極不知疲垂足濯天河抵掌談羲黃歷世由經過
下眇塵波中穢觸真棄帑胡為戀浮境出沒相纏紆
秦陵一抔土神室生葭蘆商山高崔嵬名與四皓俱
歸來邈雲漢壁月流綺疏悠然動清興何必騎鯨魚

夢仙謠

夢入蓬萊宮岩堯聳朱閣靈風翔紫烟靄鬱生羅幕
鸞鳳棲瑤林咀嚼瑤華萼老龍戲滄洲噴薄盪鱗角
朱戶翳霄暉翠殿開晴廓中有仙人緩步鍔金鐸

顏貌盛芙蓉舉止何綽約引我丹霞房玉漿金壘酌
更賜琅玕膏笑談同飲啄仙童供蟠桃盛以朱雲絡
坐看移三山驚波沸五岳下顧塵埃徒奔走赴陵壑
真人執我手殷勤相付託若到紅塵中莫染紅塵濁
他年須是早歸來奉迎當遣遼東鶴

步月謠

太清天宇清且高皎然冰鑑懸層霄絳河水淺閨風
息蟾光度景搖金鰲仙人縱駕游八極鳳簫歌吹鳴
嘈、星宮月殿風馬遠珠華露濕旌旄冷還虛按響
窺塵寰波裏三山銀浪卷

游仙謠

羽蓋承流景，飈輪泛紫霞。
前旌絡霄隊，駐節王母家。
真童發清謠，雲表翔哀笳。
樓臺上清漢，眼綵明珠華。
萬春若朝苒，欣樂庸可涯。
瑤席未終醺，零落蟠桃花。

清晨謠

通夕哀寒衾，冥、暗風雨披衣待。
平明起，履步遶廡遙。
望扶桑延目上洲渚，陰風驅曾雲屯積，亘山阜。
草木纏淒悲，杲日霾天步。
林鳥雜亂飛，脩塗限商賈。
松竹互摧折，鴟鴞肆翔舞。
四海揚驚濤，鯨鯢竟吞吐。
誰云天地寬，宛足隘環堵。
殊乖夙昔心，媿坐闕無語。

遲、覽衿帶拂沐，正冠履姑以勤。
余生疏別治園圃，
清晨勞寤歌，無乃思湯武。

獨酌謠 二首

我有一樽酒，來自故人家。
故人久相別，十載隔天涯。
相思不相見，對月開流霞。
一酌延清風，清風為我開。
靈襟再酌勸，明月明光排。
細冷光發三酌望，故人明月清風見。
顏色高歌起舞，廢長謠聲裂金石。
貫曾碧伯倫已死，淵明殂，螺羸螟蛉漫充塞。
須臾歌罷玉壺空，醉覺長天不盈尺。

春風着意憐芳草，芳草榮時春自老。
人生欣少別離

多有酒當飲自傾倒莫放憔悴損容光白髮蒼顏為
誰好

陽春謠

臨東皇萬物昌君陶唐宣重光
巨臯夔熙元良錫以景
辰撫萬方物無夭札人無傷
人無傷翳元良錫以景
福滋壤以吾君欣以芳臻樂康

深夜謠

月影移鳩鵲鑪香滿建章
君王駐瑤輦宮女出彤房
仙樂浮雲漢笙歌遠畫梁
按圖皆國色何處是高堂

花落春猶在人存事已非
草侵迎仗路塵滿舊薰衣
獨立空憐影當歌但歛眉
羞見長門月曾同步輦歸

步月謠

琅玕轉景蒼蚪立露脚斜飛
冷光濕人歸芳草恨苔
若劍珮生寒秋水澁離
箕斗正相望交澁帳合金
波入風前搖袂思沉
雷雲不動蛟龍繫

清晨謠

陽鳥出谷升蟠木幕
寒烟斂脩竹狐狸竄伏不敢
鳴魑魅深潛翳林麓
荷鋤田父下東臯
金馬門開轉
華轂何當義御駐中天
赫、明、光萬國

山中謠

山中之樂何由說，知者不言，者拙。紅塵飛盡散松
風，獨酌寒泉弄明月。

秋風引

閭闔天門開九重，金莖肅，搖霜風。吳江木落龍庭
空，鷄鳴起舞何忽，胡塵高翳山。東邊聲夜入烏
號弓。

松隱文集卷第四

古樂府

青苔篇

陵陸變滄海，復作清淺流。扶疎蘂淵桂，先驚蒲柳秋。
姑蘇臺未乾，坐見麋鹿游。秦皇正游覽，黃屋指沙丘。
乃知晞朝露，不必潛蛟蚪。桀跖豈庸陋，比德慚蝓蝓。
夷齊苦葵藿，垂譽賢伊周。貧賤未必汙，邪辟深可羞。
愚智混生死，善惡觀其由。昧死尚役，身外滋旁求。
君不見當年黎園歌，舞人歌聲未歇，生白頭。及時游
衍且行樂，莫教日入辭。高樓請君試誦青苔篇，令君

一誦忘百憂

白馬篇

吾家子建表陽源沈約皆有述作惟道任使驅馳之事因遂廣之

白馬何翩翩况復值神武逸足看夷由四蹄入風雨右盼空流沙左歷無全虜中夜視房心趣日翻霞舉朝飲崑崙池夕秣龍川渚毛族空成群班駁亦何數神物不虛生寄託遇明主所適無險難要知同彼此歸來晚羈束飽食芻與粟主人已封侯安步驅華轂

美女篇

芙蓉開綠水青松映海棠新晴沐膏雨艷色明朝陽綽約彼妹子轉盼流輝光被眼妖且妍細浥薔薇香下有合欣帶綉作雙鴛鴦上有雙同心結作明月璫珠環垂兩耳翠鳳翹釵梁瓊鈎約雙袖提籠學採桑採桑城南隅五馬停路傍調笑不一顧但見桑條長歸來候蚕眠靜坐調笙篁結髮事夫壻誰羨東家王

遠游篇

少年重意氣辭家遠行游高談蔑鄉相峻節凌九秋伏劔謁明主挾策于諸侯衆目寶康瓠明月難暗投驂駒困短步翻為駕馬羞虛名不足慕抗迹追浮丘

至言發深省遐覽隘九州書功佐天政美惡無不壽
麾幢周四表騎衛羅天駒簫鼓鳴清歌解駕滄浪洲
金石易消朽生死真蜉蝣

浮萍篇

昔作章臺柳今為清水萍寄託一失所誰分渭與泾
王孫事游冶蘭麝徒芳馨清晨天桃花灼、鮮且榮
隨風易零落不及糞上英萍生八九子滋育常盈、
芙蓉飾高蓋文藻疏繁纓寧復事攀折中心無不平

攀龍引

鑄神鼎兮荆之陽鼎成兮賓帝鄉君乘龍兮龍高翔
巨攀龍兮龍髯短龍髯短接君之衣兮臣不敢以手
挽君棄臣兮臣將疇依臣慟哭兮君不知君不知兮
可奈何風雨慘、兮荆山之阿

方諸曲

方諸限弱水高出扶桑東霞波環玉壘雲幄護青宮
珠臺錦複道寶閣亘飛虹翠節迎瑤輦瓊車駕彩龍
群真瞻日御列聖從青童朝退聯旌旆枉行奏鼓鐘
靈璈激虛籟雅舞流神風真王拊節和清響流絕空
哀歌悲五濁胡為棲樊籠長生有真訣劫齡安可終

迢、方諸宮玉闕排霄起扶桑高扶踈森聳數千里
碧椹雜青葱蟠桃映瑤水離、間朱實鳳鳥護丹藥
靈風灑蘭林空歌洞霄紫青童會群真趣節名陽許
安妃從元君鸞旗翳滄渚翩、八景輿鳴珂下容與
拊手揚玉音妙響翔天宇真氣淒金石貶之廟丹府
靈波濯曜羅朝元道笳鼓

蕭史曲

玉簫散奇響真氣淒金石招携偶冥會理愜心自適
富貴如朝華况復多得失胡不希長年鍊氣固形質
高舉凌仙翰雙飛上曾碧揮手謝時人去來空役、

秦王卷衣曲

六國斂衽朝秦王秦王宮闕高相望美人充積盈椒
房金珠鈿粉輝煌、昔為花與玉今為糟與糠感時
悲舊事無意惜年光晝苦短夜苦長朝、暮、卷衣
裳誰復正尔恃紅粧

胡笳曲

江南春草綠江北未開花佳人在何處還謫寄長沙

漢使通沙漠胡人過渭橋春風吹客恨千里去迢迢

鼓吹曲

按節臨瀚海，舒軍耀朔方。幕中延揖客，馬首繫降王。
封君行負弩，天子賜干將。後乘騰沙漠，前驅過渭陽。
簫鼓通平樂，旌旗屬建章。明堂獻捷罷，甲冑自生光。
鳴鳩初拂羽，桑葉破新萌。采、不盈，菊攀多力未生。
春服浥朝露，曉日映粧明。語學流鶯巧，身同飛燕輕。
使君勞借問，夫婿自專城。

採桑曲

江臯曲

漪漣帶脩渚，遠水明朝輝。青山橫倒景，畫鷁掩斜扉。
游女逢交甫，陳思值落妃。菱歌隨棹遠，鷗鳥背人飛。

別有嘉游處，芳樽照舞衣。

泛水曲

春服僅能試，荷小未成蓮。畫舫維青幄，平波幕素烟。
暖日薰花氣，新萍點翠鈿。歌吹浮天上，旌旗轉座前。
促粧留晚景，續酒載歸舡。前駟戒津吏，除道候江壖。

楊花曲

千里萬里長安道，送君思君為君老。願為水底石菖蒲，
不教零落同百草。

採菱曲

脩諸通阿閣，蘭舟飾翠旗。吳姬年十五，乘舟泛綠池。

菱花羞寶鬢皓腕發斜暉行歌擢舡去不覺白鷗飛

龍笛曲

美人滿酌金屈卮勸我行樂當及時艷歌流舞揚光
輝揚光輝照春日壽萬春欣未畢

登山曲 并序

非叙離別夸逸豫蓋欲見天下之廣思積累之勤而
致功烈之盛也

禮崇丘陟重巘省風俗縣寓縣集紛埃鬱葱藉顧秦
雍審伊洛惟前人肇經度保鴻名兮隆德聲陋崇高
於群岳

夜曲

舞衣疊翡翠海月掛珊瑚香滿流蘇幄相迎問醉無

鳳凰曲

帝子舉鳳吹逸響紫回風雙飛翔紫霞駕景凌輕虹
戩影入青靄聲斷彩雲空

綠水曲

春光有餘輝入水可覽結子小淡蕩人照影空明滅

塞下曲

天聲未暢威窮髮將軍已過長城窟紅旗半捲夜歸
來馬蹄踏碎天山月

秋草黃雲塞馬肥
漢家驃騎擁旌旗
可能衛霍年
出不及燕然一片碑

入塞曲

黑水迢，黑山暮
馬鳴蕭，夜爭度
胡笳四起黃雲
愁角聲嗚咽何悠
隴山行斷不回首
一番回首添
白頭

出塞曲

來時長驅五千里
滿目胡塵漲天起
胡塵已息遼海
空班師來謁明光宮
漢家天子耀神武
不知戰士常
辛苦

楚宮詞

憶昔君王初選時
侍兒邀寵學蛾眉
而今棄置同衰
草不及章臺楊柳枝
坐待鷄鳴報早朝
那知別殿困笙簫
妾身恨不為鸚
鵡猶恃君王顧
眄驕
迹下茸，碧草齊
不知桃李竟芳菲
自從侍妾承恩
後忘着迎春金縷衣

漢宮詞

夜漏沉，度建章
千門萬戶鎖深房
入宮不識君王
面猶被傍人妬
曉粧

鳩鵲樓高百尺廡、高元不礙笙簧。君王對面如天
遠可笑梅娘不自量。費盡千金寫玉容。莫承恩幸寵深宮。妾心未改君心
改不及天。桃媚曉風。

春江花月詞

群芳珠箔映青樓、上珠簾卷玉鉤。小二香嚮遍羅
綺青樓和月為君愁。

花月詞

花光露重春烟濕。鶴去瑤臺人跡。立坐見闌干月脚
西景入長門。金鑠澁花開直。莫媚春風。春風代謝如

呼吸

明月詞

明月明月出滄溟。歷丹闕飛蓋。念西園笙歌想。南國
靈波如電。溥高五雲幄。和烟鏤空碧。人間何事怨別
離。自昔循環有金昔。今昔雖同事。不同昔時宮館。今
荆棘漢家陵闕。變池塘吳楚。江山異南北。明月那知
古與今。治亂昏明有通塞。我願三綱不愆。四時不忒。
天地清寧。人物獲職。白兔不見。辱於蝦蟆。黃髮蒙照
臨之大德。非明月之宣功。兮則吾何知其為順帝之
則。

湘妃怨 并序

讀陳羽湘妃怨恠其鄙野為變體三首

委瓊珮兮重淵稅鸞車兮深山望蒼梧兮不極與流水而潺湲

風淒兮山之阻雲溟兮湘之浦落日黃兮明月

輝古木蒼烟號兕虎

雨瀟兮洞庭煙霏兮黃陵望夫君兮不來波渺

而难升

昭君怨

人生無定端萬事固难料美好招世患讒諂過忠告

正淑不自媚私謂事妍笑入宮踰十年嫉妬掩稱道

踈賤難為容况復昧傾巧一朝見排棄眾笑蛾眉好

驅車臨出門盛飾舒懷抱不怨君王遠不怨父兄老

唯怨蛾眉悞一生榮枯不得同百草

再拜升車望已過却教紅粉保山河當時豈止毛延

壽對面欺君事更多

從來貧賤少先客况復嬌癡入漢宮一朝掩面辭君

去始悔無金買畫工

盛飾容儀舍掖庭豈知妍醜悞丹青不羞見辱單于

室羞見年名作竟寧

婕妤怨

素媿河洲德寧忘卷耳規中闈知奉順外戚敢營私
辭輦翻成妬能歌復見知自慚乖嫵媚不及舞腰兒

春閨怨

着意綉鴛鴦雙、戲小塘綉罷無心看楊花滿綉牀

秋閨怨

憂動番作妬險波自為才趙瑟絃初絕秦箏曲更哀
蛛網羅粧鑑遲燕暗玉階聽鷄雖自誤辭輦却成非
猶謝朝陽月時來照寢衣

閨怨

頭上百寶釵終身不相失唯有鴛鴦席承欣難可畢

玉階怨

堂上爐銀缸閨中下羅幕思君度遙夕長於金井索

出閨怨

妾年十五從良人良人待旦驅從軍至今遠戍燕山
北但見春歸秋草綠年、塞鴈去還來深院無人空
綠苔

春日有所思

陽春被華旦草木蒙恩私沉、幽谷蘭不得同其施
女蘿託高松光彩紛威蕤游塵薄雄風光景低鬱儀

巖花落深澗甘為井底泥升沉固難量寧復論高卑
佳人去已遠良遇安可期流年易凋落榮盛能幾時
促席具樽酒不醉夫何為

有所思

有所思兮天一涯彼美人兮安得知江皋送日下洲
渚心遙目斷征鴻飛蘭嗟蕙怨芳草歇春歸猶見霏
雪文姬着破去時衣寂寞愁看漢家月南箕北斗
苦相望綿綿此恨無時絕
有所思藐何許乃在洞庭之陽瀟湘之浦我欲訪之
限重阻水有吞舟之巨魚兮山有食人之猛虎有所

思藐何許沉靜夜愁風雨

遺所思

君行既云遠我思日以長思君無所遺寶帶雙鴛鴦
鴛鴦不相失錦翼游方塘副之玳瑁簪同心復同房
上有金蓮華莖葉相扶將下有並根藕絲百尺長
同緘尺素書封以紫錦囊上言長相憶下言莫相忘
努力加餐飯歸來花正芳

思遠人

有美人兮天之涯食蘭菊兮服錦衣披瓊簡兮規天
維隔昆丘之遐阻兮限弱水之漫漶曾故人之莫吾

知兮曠千載而不歸歲冉，兮其時莫兮儼吾駕而不
可以徒回幾逍遙於山阿思夫君於式微

卷五脫第一葉缺注四首。天陰注鐘山。胡姬年十九。
長行宮中妙。前有一樽任。

松隱文集卷第五

京口有歸燕

春烟晝白春草綠春水溶、曲江曲吳宮梁苑盡灰
飛胡馬驕嘶嘶首宿蕭條南國悶春愁章臺瑤室今
茅屋中原民庶被羶表萬室無人皆鼠伏子歸何處
定安巢楚幕維多易傾覆感君為君思建章萬戶朱
門綴珠玉當時天下尚無為今日悲涼變何速感君
歎為君哭汾陽已死淮陰族沉、壯士聽晨鷄豺狼
當路食人肉燕齊鄒魯化腥膻番人走馬鳴轆轤

人生不長好

人生不長好倏忽如薜英臨觴莫辭醉既醉莫願醒
但識醉中理無欲醒時名夷齊猶餓死誰復哀屈平
陵谷尚遷滅况乃期促齡已為謝消長得失秋毫輕

姑蘇臺上月并序

按吳越春秋姑蘇臺高見三百里下有長洲之苑子
往年訪其遺址有石橋廣數丈其長里許其水通三
江長洲洞連臺基依山傍有僧寺云

姑蘇臺上月倒影浮天河石梁臥長洲垂虹躍金波
叢薄散蘭麝水底流笙歌聲未斷樽前舞越兵夜
入三江浦吳王沉醉未及醒不知身已為降虜響報

廓前珠簾橫採香徑裏喧鞀鼓西施和淚下珠樓回
首吳宮隔煙霧姑蘇臺殿變秋蓬荊棘霜衣泣寒露
至今風月動淒涼餘址石橋尚如故

錦石擣流黃并序

古詞皆云亦不知所起獨煬帝有五言一章以道征
戍室家之思今新而補之

秋風清秋月明征人思婦難為情難為情蟋蟀遠壁
鳴寒聲霜砧皓腕愁不勝愁不勝愁不可剪衣可成
夢君先到黃龍庭

自君之出矣代內作

自君之出矣龍香消寶衣思君共明月千里奉光輝
自君之出矣粧臺生網絲思君拂團扇相與共提攜

迨、高樓入紫煙

迨、高樓入紫煙上連阿閣巢青鸞青鸞飛、不復
返朱甍碧瓦空般、而今燕雀互棲止便、飽逸啖
鷹鷂黃金臺廢燕昭死嗟、誰復旌遺賢

却郎才人嫁為廝養卒婦

落葉逐驚風落花逐流水漂零無定端寄託隨所委
朝榮瑤圃中暮落窮軀裏豈不惡糟糠豈不願羅綺
羅綺閉深宮嫉妬交相靡糟糠守窮廬苦樂同終始

行藏宜自然燕巢茅屋底

上之回

衛騎絕沙漠前驅過玉門雲旗捎月窟輦道屬烏孫
萬國森環衛三靈駭駿奔聲容同日月威德被乾坤
巡狩知無外蠻戎識至尊何當鳴警蹕高會醮崑崙

當置酒

置酒臨芳觀張筵繼落暉選妓調絲竹迎賓奉酒卮
月影移歌扇花光照舞衣霞觴飛白羽高論吐虹霓
人生不滿百行樂當及時當歌期銘酌誰能較是非

將進酒

君唐虞兮臣臯夔將衛霍兮恢邊陲時文景兮民雍
熙獄無冤人兮野無蒿藜玉燭亘天流離以昭兮其
惟百姓日用而不知歌鹿鳴與既醉兮而頌聲洋溢
乎康逵顧吾君之清靜躬儉以寂默兮而猶薄滋味
與游嬉臣願得連四海以為席兮酌北斗而為酒危
使五老奉觴上壽以申祝兮令夫八元夾侍而正儀
願聖壽上齊于箕翼兮其光容充塞於四維醉大道
與仁義兮而淳風浹洽于華夷期億萬斯年兮民皆
陶而化之慶君臣之嘉會陋酆鎬與瑤池

艾如張

鴻鵠遠翬繳燕雀戀藩籬爭食蓬蒿下觸網斃禍機
黃雀老且黠黃口小且癡黃雀戒黃口輒莫貪腥肥

遠如期

約指金環瘦不持羅衣寬盡減腰圍紅芳坐消歇王
孫歸不歸

反招隱

驂騑天下駿所制在眼箱蘇秦天下辯所失戀冠裳
達人貴自重出處保龍光山花麗雲錦鳥語調絲篁
清泉激鳴琴掩抑合宮商芝木勝梁肉蘭菊有餘芳
白雲結山友來往俱相忘世路甚谿谷箝笏誠羈韁

人心若丘山咫尺不可量猿鶴孰可馴人孰不可防
留侯從赤松范蠡辭越王二子保令終避世容何傷
王孫促歸軫吾徒方退藏

獨不見

獨不見誰相憶花影上珠簾明月穿窻隙翡翠暗無
光蒼苔點行迹鸞鑑掛珊瑚寶靨銷金碧彷彿聞簫
韶夢想見顏色為我報新人好承恩澤君看後庭
花芳菲能幾日

林前帳并序

晉平虜將軍劉勳妻王宋既嫁二十餘年劉悅山陽

司馬氏女以宋無子出之宋於道中作林前帳以
自傷

蜀錦牀前帳四角垂香囊上有合欣帶下有雙鴛鴦
鴛鴦一分散不得同所將棄指篋笥裏誰惜舊時香

紫駟馬

紫駟馬出西方徑萬里來咸陽儲精房鍾馴良口如
米火頭如玉尾輕鬣短龍脊剛蹄圓腕蹙森開張齊
平六齒排截昉目如明星威煌、驕嘶噴薄思騰驤
廕以華屋薦露牀金羈玉勒紅錦障鈎膺絡腦垂璫
琅漢家驃騎新開府天子輟賜威遐荒將軍橫槊被

金甲矍鑠超忽踰鷹揚雄鳴矯首厲奔蹙胡兒百萬
紛披攘登封居昏轉瀚海軍聲陸警摧天狼歸來明
堂見天子圖形麟閣宣龍光

王孫遊二

細芳開綉戶碧草襯斜陽樓上頻回首思君道路長
天桃與芳草艷色明朝陽思君念華旦賤妾惜容光

烏夜啼

飢鳥啞，不肯棲雄飛呼雌鳴聲悲娼樓年少醉歌
舞幽閨思婦寂無語將軍百戰未成功坐教更籌聽
金鼓

月落啼鳥近鏢窻鏢窻深處綉鴛鴦鴛鴦未就腸先
結馬踏天山夜飛雪歸來且莫話封侯同醉笙歌弄
明月

望行人

西北有高楼竚窳入空碧徒倚徧欄干楊花滿行迹
不見行人歸但見楊花白披襟向春風為我傳消息
春風不見知此意無人識

行路難 并序

昔鮑昭王筠皆有此作以叙征戍離別悲感之思因
變而新之

華堂高張千炬燭光溢樽罍艷流目秦姬趙女變新
聲入金石兮裂絲竹少年意氣凌秋陽奴僕金張唾
宋玉文章富貴何足論胡必直欲身後名顏回風雨
困簞食伯夷葵藿難為情何如嫫姚十八從將軍恩
隆愛密收奇勳美人歌舞謝芳草春花落盡容顏老
山長水闊霜雪寒安用區、涉遠道

又并序

鮑昭王均皆有所託其詞閑雅感激惟道閨門離別
征戍懷遠之思因以申之云耳
行路難行路難九折之坂無足歎羊腸劍閣祝階闥

巫峽艷瀕無波瀾長安九衢窳巖嶮侯門處、深如
淵深如淵不可履翻覆風波當面起况復深宮嚴九
重雖有羽翼無由通行路難行路難不如歸去貧窮
靜坐中柴閨啜菽飲水自行樂雖有風雨無憂患平聲

歸去來

歸去來歸去來陸行無車水行無舡足重繭兮羊腸
九折歷絕嶮而盤、跼躅脅息以休影兮石壁屹立
而不可以攀緣上窺不測之天嶠兮而下臨無底之
深淵寒風凜、以切骨兮朔雪漫、而漲天孤猿哀
吟其左右兮而猛虎咆哮乎後先緇前路之險阻其

若此兮道云遠而莫前悲已往之勤瘁兮淚流襟而
連歸去來歸去來吾鄉雖遠兮及此而猶可以生
還飢寒迫於屢空兮庶乎安之若命而終保吾之天
年

沐浴子

新沐莫彈冠新浴莫振衣聖人貴同塵賢者汨其泥
夷齊立峻節感激歆採薇子真老谷口歲晏無苦飢
屈原懷獨醒沉湘誰與悲漁父隨其波所適安所宜
君看侯門客飢于紈袴兒

樂未央

并序

古樂府有其名而亡其詞

孝武初封禪蘿圖寶曆新開邊擢衛霍儒術用平津
禮樂追三統欽承奉百神嵩呼寧萬壽欣樂詎容陳

荆門道

荆門道在何許萬里道、入南楚故人何事未歸來
滿目豺狼路多阻路多阻兮可奈何矍鑠廉公六矣
取期君終日醉如泥墮似靈均醒時語

臨碣石

并序

魏武作四章為樂府今亡沈約作五言但叙登臨感
遇之旨今為四言三章一章言聖人在上物遂其性

二章言樂不可極居安慮危三章言思聖人君子以
永成工云

肅我嚴駕登彼絕阪目極天淵曾不知遠曜靈舒光
樂彼鯨鯢

杲日既升我徒既盈願言斯適至樂無聲撫躬增愧
臨深可驚

陟彼崇高慨覽遐宇前迹可究興亡可悟安得英雄
廓彼神武澤及飛沉致馨梁甫

巫山高

巫山高望不極飛鴻欲度愁無力我欲絕之乏羽翼

峽江水急荆門遠魚龍游之不能轉下無舟楫上無
梁我欲濟之憂力歎

懷長沙

有若人兮眇何所投蘭袂兮江之澗杜蘅約席兮桂
栢為宇胡為乎終年而在茲前有阮湘之深水兮後
有岳麓之重阻聊逍遙于山阿可以避歲寒之風雨

空城雀

去年已生子今年復生孫主人既昏亂國破家亦焚
宮館變禾黍萬人無一存朝伏蓬蒿下暮宿荆榛間
豈不念儔侶豈不懷玉山儔侶高飛斃繒繫玉山迨

遶多鷹鷂又不見咸陽三月火不滅吳宮萬戶飛灰
煙春鴻社燕尚燒死况復黃口之脩翰喜無挾彈兒
空城姑所安
寂寂空城雀日暮寒且飢鼯鼠啼林端豺虎夾路垂
蒿間黃雀語黃口吞聲切莫囹高棲汝不見當年連
雲宮館散煙燎欹臺夾室今狐狸糟丘成糞壤藜藿
生酒池昔人自是不復改今人始覺前人非今人昔
人未為遠更望誰家門戶歸

楚妃嘆

日晚章華翠輦歸寂寂深院鏤重扉非緣掩鼻移思

寵自是新人巧用機

用意十分巧畫眉粧成獨自惜容儀非緣鄭袖能歌
舞自是人心看處迷

霜滿虛庭月滿樓羅帷珠箔閉清秋鑪香煙斷添銀
燭誰道更深睡去休

寶靨香銷翠幙寬更深明月上闌干裴徊踏碎銀蟾
影誰念從來不耐寒

人靜宮深夜漏長深宮漏水憶君王可憐不及秋蒲
草猶得承欣薦寶林

隴頭水并序

傷離別倦征戍也

隴頭之水兮不可以澣衣隴頭之雲兮不可以同歸
事行役兮無已時無已時千里萬里從旌旗風雨慘
兮寒且飢隴頭之水兮鳴聲悲

莫獨行

莫獨行風雨慘、兮夜不得明道有石坂兮使汝車
敗而馬驚山有猛虎兮水多暴鯨任重塗遠兮無欲
速其小程莫獨行莫獨行聊可以俟同志之友生

松隱文集卷第六

古樂府

古戰場

煙冥露重霜風號聲悲色慘侵征袍據鞍顧盼度沙
磧縱橫白骨餘殘燒舉鞭遲留問田父彼將欲語見
折腰泣云畔寇昔據此老夫父子服弓刀將軍下令
起丘甲法嚴勢迫無所逃攻城奪險數十戰民殘兵
弊夷臬巢當時二子沒于陣老夫幸免甘無聊匹夫
僭亂起阡陌禍延千里俱罄、官私所殺盡民吏坐
令骨肉相征鏖唯餘將軍封萬戶士卒戰死埋蓬蒿

至今野火遍昏黑天陰鬼哭聲嘈

戰城南

胡騎方侵掠臨淮屬虎兵三麾俱至地一戰破思明
令下秋霜肅威行草木驚豈但全孤壘能令復舊京
吾君方用武宵旰念儀刑

箕山操 并序

琴集有名無辭今補而廣之庶乎後之覽者可以彷彿前人之心云

草可以為衣兮木可以為廬水清石白兮渴飲有時
而飢食有餘止不知其吾之有影兮而行不知其吾
之有軀彼日月之自明兮吾又安知其所如君乎君
乎且將澆我以天下而無迺不幾於贅乎

小游仙

九霄風靜夜沉、仙籟虛徐度玉音好是太真歌未
闕飛煙遙上鬱華林

十二層城倚閭風金臺珠樹鬱葱蔥、遙瞻玉室藏書
府萬仞飛光散曉紅

遙曳空歌上玉清飛煙冉、拂仙腰龍輶已過黃金
闕致肅門郎識姓名

春光好

十年不見春光好，胡人馬齧長安草。長安草盡人已
空，官館園林迹如掃。東都西洛暗兵塵，畫引狐狸上
黃道。長淮水淺吳山低，戍邊時巡無已時。無已時，萋
、草綠，胡馬肥。濠城短小不蔽眼，况復項屠游芳菲。
何當杖劍從神武，晴春甲馬爭光輝。

送春歸

送春歸在何處，禾黍正離離。江城西屯戍，楊花零亂
點旌旗。天涯芳草連雲暮，舊園桃李遍荆棘。故園樓
臺盡，狐兔衣冠不見。洛陽花，胡馬猶嘶。漢宮樹，吳江
水。綠吳山，青春到。春歸別有情，柳色迎人下。關塞隨

軍萬里清，胡塵黃金臺。榭未埋，沒當年。勿謂秦無人

秋夜長

秋夜長，秋夜長。風高月落，飛清霜。征鴻蕭蕭，度湘水。
草木露冷，蒹葭黃。鐵衣老將尚橫槊，胡兒甲馬爭騰
驤。閨中思婦，爐銀燭耿，念遠傷肺腸。壯士悲歌扣
商角。通夕無寐，空淒涼。况是愁人，怨遙夜，安得日出
升扶桑。

怨遙夜

六龍滅景兮，疾如馳。結隣曠晷兮，沉海涯。飛霜烈士
以龍，物兮其容慘慄。陰風凜冽，而薄人兮聲其凄悲。

祥鸞伏竄兮鷓臬號呼哲人永歎以哀吟兮貪夫適
其覬覦彼遊燎之不吾遭兮良卷懷而鬱紆勞歎三
發兮晨鷄未旦使我耿、以戚憂兮獨展轉而向隅
歲將暮 并序時自虜中歸

歲律將暮我行獨勞家無餘儲晨昏不贍性多愚鄙
拙於治生拊己興懷歎以自傷云

歲將暮歲將暮靡、行人不歸去不歸去道路長道
路長兮復限我以石坂羊腸山多高木兮不能為吾
之棟梁水多深阻兮不能為吾之舟航徒頓駕以獨
宿兮趨風雨於晨裝眇佳人兮懷余期遙集于扶桑

隋堤草

綿、隋堤草、色翠如茵梧桐間桃李穠艷驕陽春
揚柳垂金堤拂舞無纖塵行人不敢折守吏嚴呵嗔
大業一崩墮九廟猶荆榛隋堤草與木採斫雜樵薪
秋風號枯枝野火燒陳根園陵宮館尚禾黍草木於
尔何足論

蔓草長 并序

余所寓之室前有高木一本葛蔓延幕其上感物興
懷有蔓草長以風焉
蔓草長搖風緣砌凌堂高萋、密葉護葱蒨溥、湛

露滋瀼，下有徑寸蘭。委靡塗秋霜，依憑既失所。不
及菰與蔣，託身肯媚附。高木持芳自潔，凝幽香蔓草。
長因緣從尔，摩蒼、一朝高木失斤斧，掘根削株貽
汝殃。

隋堤柳

隋堤柳千里夾隋堤，中有平道百尺隱金鉗。柳色
間桃李，行客迷芳菲。牙樯從西來，雲表開龍旗。一舟
挽千人，萬舟若魚麗。舟中盡絕色，不厭荒淫飢。錦帆
壓奔流，日夜東南馳。龍舟未及返，身辱吳公泥。神器
失所託，化作迷樓灰。向來桃李與李花，色猶不衰向東

堤上柳，色猶依。唐公已舉晉陽甲，草木雖小知
無隋。

折楊柳并序

折楊柳，即樂府鼓吹曲。漢魏以來，惟給邊將。
折楊柳上隋堤，攀條同憶送君時。君王近發關中卒，
更成歸來尚未遲。

折楊柳上章臺，柳色依，尚未回。漢家盡得單于壘，
屈指歸同社燕來。

折楊柳灞橋西去，日同君上柳堤。聞道將軍得天馬，
歸時芳草正萋萋。

去君罪、雪滿衣思君楊柳正依、新來又得狂人
信君去交河尚未歸
去日同君過渭橋、邊新雪未全消如今窻外楊花
滿憔悴無心約細腰

更次韻來悲採薇

昔辭萬乘寵潔已歸其仁強諫非矯訂所守懷真淳
邈矣思唐虞去去迹已塵夏禹且不讓叔世良悲辛
採薇歆西山獨往誰與鄰激節不少渝終始無緇磷
優入聖人域清風高隱淪嗟、首陽山今飛胡馬塵
况乃匪湯武吾子勞諄、已而復已而緇默思良辰

感秋蘭

雲何為兮深山水何為兮幽谷匪雜珮於華裾耻見
珎於流俗噫嘻疑枳棘與荆榛不辭榮於秋綠

梅花落

殖維無遠近開獨占三冬怨入胡笳切香凝素臉穠
有子調金鼎遺根益縣封佳人初睡起留取照芳容

哀孤鴻

江上書事

哀孤鴻孤鴻杳何所堅冰合洞迹積雪滿南楚弔影
破寒空淒涼宿煙雨上林衰草暗池塘衡岳居人雜
豺虎縣官下詔收箭工繒繳高張求勁羽稻梁粒、

盡輸軍飲咏號呼困秋浦至今燕代滿胡兒每欲歸
飛畏弓弩畏弓弩誰能為我驅胡虜胡虜驅除漢道
昌一身雖困忘辛苦

天上月

皎々天上月隨人如有情何當背銀燭棄我如絕纓
關山月

關山月關山月分影送征人寒光射矛戟胡笳聲斷
塞鴻驚征人淚下思鄉國

高樓月

高樓月倒景入闌干人眠綺窻影月在青雲端相攀

不可得空成簾幕寒

估客樂

朝飲文君酒暮宿邯鄲妓近得浮梁書春前辦行計

班婕妤

寵移非為妬花落不因風來往長門月羞將團扇同

王昭君

好惡由來各在人况憑圖象覓天真君王視聽能無
擁延壽何知敢妄陳

游仙四

天河水冷煙波渺流水無聲銀浪小白榆歷々映瑤

沙白露淒清下雲表扶疎丹桂落紅英片、紅霞散
瑤草月中桂子空傳名散在人間無處討仙翁呼童
收紫芝紫芝肥嫩光離、遺英殘萼墜無數仙鶴飲
啄時鳴飛仙人種玉耕雲俚倚雲橫笛學鳳吹須臾
羲御崦嵫沒相呼拍手騎龍歸

飛轡絡絕景訪我同心人解駕三秀領濯足玉華津
晤言會良契携手凌高晨揚旌出閭闔羽節趣群真
入宴明霞館回輶過始青音靈散空洞逸響縈雲營
倏忽九萬里流目低蓬瀛玉妃款清話偃蓋希林逋
顧彼簪纓客寵辱勞汝形神仙有真訣胡不希長

齡

嚴駕發滄浪行樂從所之方諸款青童隱景朝鬱儀
流金戒前導玉節紛萋蕤運策乘飛電揚旌耀彩霓
斑龍乘例景蟻略翔紫微命我發金策受事臨西垂
白帝啓真籙斟酌合四時解帶清商館置酒璇淵池
高酣發空謠群響淒以悲海水變蒼陸翻覆如奕碁
咄叱紅塵子役、何所為
駕景絡絕響游目低陰虹靈光轉脩袂羽節飄晨風
抗手辭金母偃蓋東華宮高仙發空瑤翼響飛九重
霞觴艷流日曼舞歌玉童綠雲上虛籟笑語鏗洪鐘

海水屢清淺倏忽欣再逢不惜暫游詣情款無初終
欣餘促歸軫攝轡翔班龍投閑憇三素保績崇真功

劉生 并序

劉生不知何代人自齊梁以來有劉生詞盛稱豪俠
同游三秦五陵又云抱劍專征為符節官云
劉生世閔輔游俠周五陵天下俊倥儻持夸矜劉生
落魄游其間豪族相依承闢鷄橫大道走馬入重城
醉臥金張館高談衛霍營報仇先劇益排難鄙侯嬴
逸氣凌秋鶚清才瑩玉繩燈前看寶劍雪裏按蒼鷹
校獵黃山苑追兵青海濱華夷知姓字燕趙冠婚姻

耻作諸侯客寧為奔走臣白奴方入覲雄略未能申
且醉胡姬酒將軍詎敢嗔

細君 并序

漢武帝元封中以江都王女細君為公主嫁與烏孫
昆弥至國而自治宮室歲時一再會言語不通公主
悲愁自為哀怨之歌其後元帝以王穰女昭君嫁
匈奴單于昭君至胡作歌自傷後人多為歌詩流為
樂府遂有明妃怨昭君怨獨細君最遠而悲思尤甚
又世人無有哀感之作余亦因而新之抑亦據昔人
之迷憤為來者之深戒云

旅類皆有偶所偶各有方我本漢家女遠嫁烏孫王
言語既不通嗜欲寧相當生肉以為食臙酪以為漿
毛卉襲衣服蒜薤為馨香鳴、當歌舞跳躍紛低昂
風沙障白日四野皆蒼黃逐獵射禽獸籍草氊為牀
喜怒不可測貪戾過豺狼自為治官室僅能庇風霜
歲時一相見但見眉目光東南望漢日獨覺胡天長
飛鳥戀故林游子思故鄉而我被遐棄失身投窮荒
明、漢天子一女奚足傷武威與文德豈不在周行
吾王居下國奉上國所當結親徒自尊掩泣羞漢皇

懷遠

有美人兮隔千里彼不來兮我獨止吳江木落又經
年壯士悲聲寒易水

秋色

空、翔水裔海月飛冰輪大旆連天山羽校羅秋旻
霜輝明縞練綵錯光鱗、一掃龍庭空海宇無纖塵

秋思

日落碧山暮陰風生白蘋飛響散高梧水石光粼、
海草未凋綠胡馬嘶成秦蕭颯兩華鬢十年吹戰塵

黃鶴并序

古樂府有其名而亡其詞

子晋升真後茅君謁帝初靈風翔羽葆舒纒聳雲裾
凌虛前虎節方駕後龍輿平旦辭龜嶺禹中過鳳虛
故里頻遷改山川遽有無當時武昌水清淺轉城隅
張獨宿蓬蒿信為美

黃雀

楊花

春光誰占得楊花獨自知未到傳消息將歸送別離
隨風飛更急入戶舞還低大有撩人處粧臺愁畫眉

當壚

胡姬年十五艷色嬌陽春花間開綉戶席上設紅茵
含羞留醉客斂袂送行人多謝金吾子秉情記易陳

有雪時冬無冰春大雪

有雪有雪何不時號令無乃乖其宜元冥失職變常
燠草木不黃流不漸群蟄開張動平陸廣野宮闕騰
蛟螭方今王春布仁政育養萬物如嬰兒爾何干職
助陰沴致使造物無威儀四序平分佐天吏物色消
長隨指揮元綱既絕亂箕斗五行顛倒盈縮虧安得
調元按天步太微受事三光齊璇璣不愆四七正時
歌玉燭滋黔黎爾之不職有常律司辰執僣歸攝提

願得唐虞二八一十六相佐天子雷風時至無錯迷
皚如山上雪

皚如山上雪凜冽生陰寒狐狸卧深穴猛虎飢不眠下
有千尺松埋沒多摧殘山柵冠叢祠寂寞無孤煙傍有
古戰場鬼哭聲煩冤燈火斷城郭鷄犬雜喧，朝官
急征夫迫促爭後先柴門不得閉行者不得還何當霽
風雪巖岫開南山

松隱文集卷第七

古詩

僕持節朔庭自燕山向北部落以三分為
率南人居其二聞南使過駢肩引負氣哽
不得語但泣教行下或以慨歎僕每為揮
涕憚見也回作出入塞紀其事用示有志
節憫國難者云

入塞

妾在靖康初胡塵濛京師城陷撞軍入掠去隨胡兒
忽聞南使過羞頂殺羊皮立向家高處圖見漢官儀

數聲日望回騎荐致臨風悲

出塞

聞道南使歸路從城中去豈如車上并猶掛歸去路
引首恐過盡馬疾忽無處吞聲送百感南望淚如雨

早行相州道中

安陽道上晨冲融西有雲氣成青紅四重欄干五滴
水五花競開相穹崇旁有臺殿峙鷓尾上有翔翥如
飛龍擎拳歎仰得未有頗似西母居其中微臣一念
到彼處仙班趨揖殊從容跪奏內人遇至道沆瀣一
飲和氣充備然退歸復故幹神宇欲便摩青空卻看

向來禮謁處但見碧落相冥濛

過楚有作

十年三過景物輒異慨歎成詩呈內相楊尚書

昔見山陽盛氣象吞淮孺士子世忠孝民物安園田
再到已屯兵鞞鼓喧中天戶口莽凋弊廬里儲橐鞬
濟師有虎百隔岸威腥羶翠華江海上玉關風塵邊
未至重慨歎荒城委蒼烟貔貅過江南狐兔游城顛
餘民如驚鹿菜色慘不鮮呼之莫肯留猶意虜所專
三過乃三變感時良泐然二趙忠益高仲車魂尚賢
欲予寂無所淮月空消

過却鄆州

恭持天子節再經邯鄲城新垣四顧缺草樹皆歌傾
慨念全趙時英雄疲戰爭殆及五季末瓜分無定盟
慨念藺君高壁六安所盛翮、魏公子有德勝所稱
殆今已千年廢臺漫崢嶸趙民尚自若歌舞娛春榮
金石絲篁奏彷彿餘新聲興廢乃爾、人事徒營、
望城只歎息盡付西山青

望太行

落月如老婦蒼、無顏色稍覺林影疎已見東方白
一生困塵土半世走阡陌臨老復茲遊喜見太行碧

持節回呈王樞

去時炎歊極蒸鬱塵滿藍輿困搖兀歸時大嶺雪已
飛易水清漳醒病骨三月不親君子儒一笑且脫蕭
何律身輕頃刻渡長淮殊喜眼前無俗物

賦洪景伯分繡閣

赤城今屏翰瀛濕浙右同不有仙人居海溽難從容
洪仙下瀛州一笑除蒿蓬創閣俯江海重簷煥雲空
排衙碧嶙峋烟霞透玲瓏遙岑與絕壁但覺開青紅
爰之榜佳名坐見群山上萬疊烘燒日六幕泛景風
時、與賓僚醉酌黃金鍾請凭十二欄更賦烟雨中

及甫坐上分題賦洗竹得百字

剝竹有舊貫剪伐未容測長身數竿足叢薄徒累百
稍令掩翳去漸放脩直色要知清明朝惡者在所格
有惠錦鷄者曰暇賦之

山鷄美毛羽五彩若絺繡不能掩顏色居然遭籠囿
嗟賞入欄檻玩好資稚幼有稻莫能飽有水漫濡味
低昂不自得雲山計未就應嘆鴟鴞類腐鼠邀白晝

分題墨梅得客字

北風吹雲村寂、練、溪流湛寒碧馬頭忽有暗香
來撼雪尋芳識標格揚鞭敲鐙荒寒路酒惡難禁賴
銷釋隴上故人消息遲一枝誰寄疎煙隔老禪幻此

空花相墨暈橫斜清照客定應飛夢會仙玉樓澹
月連天白

題澈浦金粟寺三

我聞金粟名來謁示病相不見隱几老松竹空函丈
兩花誰聲聞擊鉢定非想歸去一笑粲春風快覆漿
入門不見佛已悟本無相若為是真求沙界等尋丈
欣逢兩禪老尚初法妙悞滅心想行當求所求筏喻不
言漿

題黃灣真如山般若臺

真如山中龍象宅前三後三率禪客珎公提唱悟本

心一指不留迹下栢我来春事梅已玉仍吸靈泉酌
寒碧會看海印發光時臺前壁月連天白

題唯庵後大松

唯庵有長松秀拔撐青空銅在並根幹掄枋比蒿蓬
天地蔭中邊日月奔西東願言滋浩養千歲看此公

題友人書後

客子得秋涼壯懷六增慨永念故人遠三湘渺滄海

題王氏女自寫渡水羅漢

尊者整離方廣間神通游戲山水閑女郎夙植窺其
藩妙筆寫出尊者顏甚知此意大廓落直與世塵解

纏縛不須錫飛與孟渡政恐有僧敲折脚

贈吳思道

某也極連蹇世緣牽喧卑久困戎燼間方與鞍馬辭
得奉宮觀祿遽失糟糠妻淚零惟惠風春慘中捆悲
生理正落莫幽思難平治公來黠歛遙率孤再拜之
慰藉累年別歎息私門裏而公顏渥丹綠鬢白髮稀
頓換神氣妙密驗刀圭竒內典禪悅深外丹日月遲
陰功粹雅度方為世所師永懷我先君與公深相知
辱以執友契肯顧賤子微賤子感誨言子茲老耄犁
甌篋祝場圃翕張防寒飢時射遠郊一得自怡

次第教三子，令諳田畝為老鈍。依顏簪忘言，隨四時
幸會道。此樂秋風遠，言歸尚有一辦香。願奉鍾呂期

贈陳季野

平生聞說陳季野，渠正奇，余下，人間韻語光陸
離韞擯藏之，當待價。願我飄然離帝傍，適是適非思
陶寫庶幾一笑排。春溫賴有梅花尚，盈把

選上人素履精修，僕先識於崇信岑寂之

時重來見之作詩為贈

我初游赤城，松竹空函丈。師時奉諸佛，略不乞供養。
茲游再見之，談笑益夷曠。橫披慰老眼，覽粟煎夜餉。

不以三生緣，遂作一指想。新蕉展時雨，風壑鳴晝講。
勉旃自愛重，公才定龍象。

寄蘇徵君

平生聞說蘇養直，執掌塵勞慚未識。清江韻語百代
尊，擬望孤撐徒著屐。未將經綸在廊廟，且落珠璣滿
泉石。頗知新築更靚深，願並廬山敬馬跡。
先生在馬跡山居

寄張達道先生

永懷凝神公，履正群僊誇。流目馱塵土，軒冕卑泥沙。
羽蓋承倒景，鸞輪泛晨霞。前旌絡霄隊，駐節王母家。
真童發清謠，雲表翔哀笳。樓居映朝日，服采明珠華。

萬春等朝茵欣事詎可涯
瑤席未終醺零落蟠桃花
想同董奉君更尋上漢槎

寄鄭漁仲

君家谷口藹清節後裔于今耿
冰雪高明固已天下聞
却向山中弄明月貫穿諸史極
成敗鼓吹六經方論說碧雲
日暮臨途柯緘封肯寄衝煙蘿
邊頭噉一鴈過坐想空山霜露多

寄空上人

華頂峰頭空待者家在全閩九峰下
后山妙香今始聞西江一口元非假
可但枯木已陽豔更喜淮碑仍

續雅天風海雨會入詩况近梅花欲盈把

雨中寄李正字

我能甘貧誰委悉惟欠鼓頷曳杖乞閉門寧餓十日
雨約已何能六尺屈褁子桑飯公等思食駿馬肉我
固失行將雲水縱所如一瓊清泉負朝日
新歲七十以人生七十古來稀為韻寄錢

大叅

縱心之歲自由身恩許前期脫措紳一褐林泉侶樵
牧熙心端是太平人
蕭然心跡喜覆清且得肩頭擔已輕老病正須安靜

處林間風味慰平生
一二三四五六七行年臨之如電疾只將香火對清
閑古井無波應委恚
未遂歸心如束濕久客京塵常汲、碧雲向晚爰歸
飛空看五、與十、
小築幽深無伴侶默坐忘言時獨許百年心事付閑
雲一卷仙經還太古
一鄧兒輩自鋤開繞屋梢、併種梅摘葉尋枝看未
足橫斜已覺報春來
居當山麓入煙扉高木蒼藤接翠微築室暮年今尚

少得歸真是眼中稀

錢忝有和用韻謝之

瑞峯來現宰官身清峙岩、聳措紳聞道石頭時說
偈一堂驚動水雲人

冰玉無塵徹骨清世間榮祿一毫輕未論此際通三
際直向今生度此生
天一地二教至七開天之天識量疾蕩然獨立放全
身莫問諸方悉不悉
露地金牛何濕、豈比漢陰負井汲拈出老胡向上
機便知挂一不成十

相君自是仙山侶大筆如椽鄙燕許七篇方愧不成
章肆筆相酬語架古
忠孝傳家大府開蒼生久已待鹽梅我雖潦倒山林
下會聽中天紫詔來
曾奉清言吐屑霏岩廊又復仰幾微正須國論籌前
著毋使人間見亦稀

瑞巖仰老見和復酬前韻

請得忙中物外身要看飛瀑瀉天紳佳時每與漁樵
伴做語相陪是故人
雙澗流泉徹底清五峯晴挂白雲輕泉流雲散遲歸

步猶欲思豐問此生

生死之徒六與七可救群生可愈疾心如秋月碧潭
空深閉岩扉方表悉

台山之麓少早濕小築還專甘井汲陋巷閉門飲一
瓢慚非回也能知十

當年卜近虎溪侶領略閑心笑相許豈圖雲水各一
方回首向來若懷古

白足持詩懷抱開清言秀潤喜惟梅便知雅贖備
意端為閑人特、來

雲英兩鳳跨煙扉收盡詩才坐翠微相國題評為携

挈一方蓮社似公稀

白雲林樾對幽人

白雲林樾對幽人

白雲林樾對幽人

白雲林樾對幽人

白雲林樾對幽人

白雲林樾對幽人

白雲林樾對幽人

白雲林樾對幽人

白雲林樾對幽人

松隱文集卷第八

古詩

送凝神張先生還茅山

我家天台玉霄峯旁臨雲海空復空
水光際天接山影山間殿閣相溟濛
仙人騎鯨度空碧步虛聲下飄天風
纓冠歲蕤跨綵翼子晉鳳笙驚青聾
半夜電雷動岩壑一壇松檜知仙公
別來放跡入朝市但覺塵土填心骨
猿驚鶴怨愧昏旦竹露蘿月徒葱蘢
君庵三茅何冲融暮春旅寓凡聖同
同造勝境瞻真蹤弟兄乘雲御飛龍
為時作端留從容但見仙驥頂有紅

凝神坐嘯隱萬松聚
玉蕊猶顏童珮聲促詔朝帝
宮清淨為正禪舜聰坐乎少廣
追崆峒物不疵癘壽域中
翩然鶴歸茅岫東一蒿秋靜磨
青銅他年我亦披蒙茸草屨瘦
藤飢不充應許下竈為陪從

送曹蘊清歸廬山

吾宗出西蜀託跡廬阜岑
恭禮清虛樽相與道義深
別時白日長忽茲秋雲陰
永懷一笑粲水雲勞我心

送子威兄鈐兵池陽

伊昔侍伯父一官尉池陽
時年方九齡讀書未知方
于今涉五紀皤然鬚鬢霜
茲喜伯兄官鈐兵總戎行

素風出韜略貌貅稟閑網
小試部勒勤著鞭揚榮光
青林脫幽箨濃綠接殘芳
起予水雲心尚拘朝市忙
齊山上穹碧九華儼珪璋
紫岩褚敲冰雲葉供展張
清江霽遠目帆檣下滄浪
林泉作佳游為公發天藏
伯父昔所臨雲漢披天章
琳琅戛鳴球徃徃題僧坊
何當切訪問便與磨珉蒼
庶於門戶間能事歲月長
仙舟涉初夏浮家及清涼
毫舉塵土境海運圖南翔
兄弟各垂白語離熱中腸
願言眷浩然時舉黃金觴
因風託素鱗訪我菰蒲鄉

送許尉顏

平生許彥光，軀膽兩豪舉。掀髯參軍事，詎可細碎語。
我時百僚下，計拙役甚苦。從事得餘力，慷慨志相許。
公乃小著鞭，一官尉南浦。鹽車維云困，垂棒亦其所。
願子自薦達，天王方振旅。求田勿墮氣，苞茅當問楚。
此事豈不壯，况復吾素與。我緣擁綬服，窘欲訪鷄黍。
天寒霜雪盛，世亂豺狼阻。何堪南北趨，別意寓瓊俎。
傷心有清淚，揮洒欲如雨。

送戴才美郎中出使襄漢

仕官將相理所當，致君澤民則為良。竊竊苟作兒女
語紛々，徒在鵷鷺行。惟君英傑吞七澤，早以閱略吞

黠羗

天子神聖熟，姓字臨遣亟。自尚書郎密奉疇

咨持玉節，荆襄將清觀。施設小攄胷，次浩不極一關。
土疆包有截，江南梅開欲。飛雪老境何堪與君別，可
矜促召黃金闕，為賀收功在三傑。

送徐正時歸浦城

徐子志義士，觸熱如探湯。遠從南浦來，訪我存與亡。
語兼瓊瑤，溫氣回蘭蕙。芳炎雲正燥，石懷抱為清涼。
願予岩壑姿，小築台上傍。兕觥雜編氓，荆扉繞松篁。
感公久留茲，語離熱中腸。行行括蒼道，念此山路長。
公懷武夷春，復多知見香。青雲勉震耀，宜近天漢光。

草堂不道遠時寄烟蒼茫

別鄭康道

與公相從久未始蹈瑣細我既困索米公已安吳地
一郵了百指與閑殆天意陛下聖而武庶物進以
彙擇材訪耆宿粲若數一二考槃出幽隱鼓篋趨朝
市公尚有遐心詎宜忽初志腰鎌與手斧甘窮幾經
歲我願以公名充進如孔翠風雲際盛旦用激志士
氣胡為倏來往老懷惜摻袂惟冀加飡飯賢者不終
棄功名會有日當看詠既醉

別無錫南禪蓮老

僕昔困衆難老來始一欣得履方外趣不涉券內聞
留錫憇福境禪悅忘所勤日款鄉閭舊俱歎鴻鵠分
偶同一窻而永懷九仙雲好持洞下香法界期普薰

和程機宜見貽

僕昔困犯難戎陸日所虞何能守一經且話雄千夫
識公好兄弟宛同周司徒爽徹絕俗姿秀發連壁樞
駸、駕文圃吐論清而臞伊流如學源一洗衆病膚
韶音泝沂說舉世必所無公家徐起之力因拯其撫
諸儒步武役反若轅下駒方知鉅鹿功列國宜鳧趨
念茲風塵際再得如元珠流光澈太清欲飛月下烏

釀為五字句妙語兼良圖愧此溢美多通甚非康衢
新涼列棊几翠竹環茅廬更當對論文莫問金僕姑

和鄭康道喜雪

東方已明雲海立恠未雀噪爭枝集凜氣著人不苦
寒老境增衣欲重襲忽驚朔吹翔臘白隴畝為祥時
適及稍聞清響食蚕聲漸看落簷頰粟粒縈梅閣竹
巧相積透隙穿窻莫能戢散益蔽空誠非虛回風作
舞勢方急歷亂瓦溝已一撇紛泊何假較人泣但喜
彌空絮影下不管霑衣玉塵濕谷口先生出好詞韻
險致高俱足給嘉言浩若長河注答問殊非古井汲

乘時和樂致上瑞屢豐固非一朝緝湏知天門開九
重布化調元審呼吸明朝稱賀明光宮高冠長劔千
官入

和李判院見貽

楚風燃竹爆幽吼曉覺春雲時蒼狗慚看曆日與桃
符猶襲塵緣恋升斗先生冒雪肯過我椒觴得奉談
天口寒素每歎濡之儒品俎常嗟菲之九但喜盍簪
侍誨約涉世粗蒙一肯首五雲會約采真遊天公見
賜良不苟

和王倅見惠十篇

惟公霄漢姿，梢、摩天翻。回溪略躡，蹙乃尔詠葵麥
會復見軒昂，一笑忘羈客。

有琴寫流水，無言道情素。水寒江海深，川闊牛羊暮。
倒指三十年，猶記潮陽路。

道遠不跬步，心勤每倚如。荷深露初下，翠密紅亦踈。
是知詩興多，賸寄懷人書。

老態念百出，僮客無吳田。空收靜中觀，三疊能蹁躩。
以之忘物我，此生休問天。

十篇青蓮茅，心親不道遠。內拈如登瀛，外愧稽策蹇。
徒誦碧雲句，幽香發芳苑。

若人富文史，皮裏羅陽秋。婉此建安格，當從古人求。
醉侯豈可縻，當封富民侯。

伊昔晉室雄，風流藹于門。至今掇危科，儒行歸後昆。
子舍江左來，應喜今尚存。

僕頃將明命，三往責楛矢。所期宣國威，寧復賦霞綺。
須知處死時，與生亦相似。

嗟、困犯難皎、心莫改而能畏。四知遂復瞻八綵。
又起山林思，浩蕩渺江海。

潦倒固久矣，猶涉世網深。中經謗嫉人，屢欲魑魅尋。
赫然天日照，敢改藜藿心。

和程右史見貽

平生仰東坡蘇程契尤熟兩家慶流深雲外世高躅
干今鳳池貴方判卞氏玉何止試典刑一想岷峨綠
和程進道見貽

秋聲起木杪便覺密葉稀風至草木勁水闊鴻雁知
壯懷感搖落嘆息囊中錐功名未卓立此心常坐馳
君家朱橋側細俯秋水遲氣近龍鳳闕喧無笳鼓悲
蕭齋琴書靜不知花影移棣華好伯仲騰起風雲時
心親詩禮學日與富貴期不忘黃塵苦乃眷寒士飢
此理誠懷抱豈復持詭隨已獻仲舒策孰謂李廣奇

文中有至樂妙處含天機一官勿言困且喜願不違
我誠老賓客合瓜喜見之關西相有在行矣當無疑

和李提舉山宮梅

客中乍喜暄風回徐行東郭嘉惟梅蕭蕭一竿繚秀
色粲粲萬玉明芳蕤海山飛仙墜萼綠珠璫縞袂令
人疑須臾四山下倒景華姿照眼無纖疵主人才氣
世所知名意謂澹坐徒爾為杯槃錯落光陸離與客揖
此玉一圍鏘然韻語壓鄒枚清思徹骨歌無歸它時
尚容嗣此賞冠巾亂插無迎隨

和仲遠新池

公有靜中趣鑿山俯清深秋風夜雨過飽聞泉石音
雲岫冷蒼翠游萍紛浮沉心賞殊不已悠然付微吟

和錢處和扇車

君家世德曾富貴出謙受冷然禦冠車為君駐戶牖
初訝鼓清薰與客破宿酒又疑建溪風碾聲出兩肘
細視碧玉架蓮梗轉隼手遂令青田鶴奮翼揮莫後
因知心匠妙殆與造物友人生土宇內孰不涉煩垢
有物能渾成既耦不以九坐使塵沙却熱惱如拉朽
惟君韻高秀人譽不容口述作協穆如亦莫祕閑鈕
願君均此施清涼被馳走他時贊南風為佐虞舜壽

和李次仲韻

先生柱史後道價連城重火龍燎金鼎玉樓詎可凍
扁舟造交舊已奏少微動藹然義風陽舉世士莫共
雪聲洒蓬背皓彩耿幽夢相見忻把酒清嘯塵落棟
願奉北橋履豈憚吏部甕六鑿方有愧一錐煩屢痛
益知仁者心新詩得頻諷

和丹容林公

自念老境今枯陽徒順兒輩求藥方頗聞大藥性炎
燥如燎于原其中藏是非海裏石鼎煎大藥何適求
雲仙但傳鍾呂有妙旨著在詩曲成華編誦之如射

必中的堅然不朽貫金石內外悉云妙在丹吐納何
嘗及津液此事知有行則差種茅安得豆有芽北轅
適楚每自失復似入海欲筭沙豈惟阮籍逢窮哭錄
錄尚念太倉粟水雲難訪我輩人風期詎知晉江谷
三百字與五千言一指便到玄牝門它年肯約移玉
趾焚香促膝為細論浩氣收還質無槁有待斯言能
卻老小築雲臥天台山再挂此冠供汛掃

小三郎試院高捷喜成四韻

吾妹千里駒一噴綠沙外韜鈴本書史方略挾經緯
小出附衆策坐使勅敵潰持弧襜襜子雨汗亦良媿

憶天台

懸車歸台山乘田方自勤豈謂羈紲舊嚴召煩聖君
至止忽三歲遇事無一欣屢奏歸田書遐心行白雲

送趙添我還漳州

北風號枯葉漠漠天正寒弛擔逆旅中方稅游子鞍
吾甥遽相訪別久心萬端意定話親舊或悲或可歡
乃將十年心只作累刻彈脩涂困塵土客庖無盤飧
舉杯少延款荷子襟袍寬明朝復慘袂老懷博以酸
漳山無瘴煙漳水無驚湍侍親友于樂勿倦為戎官
願因南風期時寄平安

春風搖天宇散策喜徐步樂與二三子綠草池塘路
鳩鳴桑柘春川闌牛羊暮春言益妍煖更約窮逸趣

閩北軍犯淮

落日慘客意老懷增百憂朔風動地吼湖水吞天流
甲馬隘兩淮殺氣橫九州無德彼將滅復讎我有休
羽檄交馳際哀歌寄清愁

大駕親征

驕虜叛盟至飲馬淮之沱煙塵犯江漢腥膻連岷峨
王師因雷動虎臣亦星羅靈旗蕩醜類鐵馬馳瑯戈

三軍指故國巨艦凌滄波一戎遂大定上天佑無頗
整刷舊俗苦掃除夷法苛奸謀尚濟詭既戰猶連和
復圖稱職尔眇哉浯溪磨已悉將相力敢獻大風歌
將至嚴州丘平仲忽舟中見過

念子別我久我心嘗冲豈意蘭溪舫忽作瀟湘逢
一笑出意表相對如夢中子有親庭樂我無塵事籠
願言雲水信時寄菰蒲風

隱言言外對語香於薰風

一與出意亦時時隱隱中子所隱或樂在無或青嶺
含子語外亦外心語中一隱意幽然非思非能味也

野園醉煖
楚同書
三軍計
野園醉煖
楚同書
三軍計

松隱文集卷第九

古詩

次魯季欽安序堂韻

蒙溪有廣厦先生居之安推得林泉樂不與塵土干

隱隱揖遙碧瀾瀾濯清川高明意乃適至游情所耽

世故蠟味薄豈待寶所參此意接陶令素月撫阮咸

終吉遂無咎位置導連山邈哉岩壑老公契如金蘭

揆此宅相竒歡然談笑間落幽勝處安得同游磐

塊我西北客恨匪戶籍占但當風月夕遐想冰雪顏

次李提舉過南園飲散賦詩韻

小山叢薄接南郭，蘭若蔽虧如間錯。竹色低侵几，按涼海雲常壓波。濤惡遣愁五字了，未有取醉一樽良。可托折簡敢致先生游，俎豆陶匏殊寂寞。風流固自出元化，祥鳳本合巢阿閣。步武乃肯臨草，塵光不間知落。今年田疇極豐熟，早禾晚禾靡風電。烏酒具黍共婆娑，應為野人一笑作。

次蔡瞻明題南園

小亭倚山肋，東望渺雲海。松蘿翳窻戶，披拂大塊噫。細路窘步武，幽花植湫隘。隣有長者轍，乃幸接符未。山為獻秀潤，水亦舞澎湃。語真損忘歸，談宗知有在。

復拜五字句，新喜入四大。尚期一笑粲，天宇約晴快。

次韻程機宜感懷

海風吹秋志
士增感八韻

幾見秋風來，坐念歲月改。宮蕉泣白雨，孤愁越

青海

十年戈甲際，四海煙塵中。慘慘鼓角晚，萋萋禾

黍風

至交頻萍梗，離合寧前知。相思梅花發，豈待中

即吹

老驥千里志，元龍百尺樓。想同湖海心，逸氣橫

清秋

阿俊平生友忘言金石志永懷
菡萏晚應想峨眉翠
北塞草色黃吹作邊風駛
惟公發蹤謀莫並橫經士
浩蕩氣明絜慷慨念廢興
何能一念真空令衆愁增
敵疆未尋盟天王日嘗瞻
邊聲入河嶽孤臣增百感

次南安務前水亭趙介叔韻

茲亭楚風煙晴嵐獻斜疊
我來及秋杪黃花舞紅葉

主人喜清論曠覽意並愜
明年西郊春會當來日涉
松意用杜句為韻和以棋酒為意

相君有妙趣一切不容且
紋楸誰與談惟彼上人者

燕坐靡天游何必求雲將
冷然契至道既有真乘黃

游戲三昧手絕代無對棋
勝負俱可喜是中聊作癡

簾旌風不搖博山雲自度
主人下東山月色轉歸路

小試部勒誠可銷長日汀沙點鴉鷺局帶山雲
濕相君有妙理芳醪正所應紅粧艷綺席翠幕張華
燈公富天人學已收廊廟用宿有雲水債聊寄泉石
供擣香復節辣兵厨馭芳酒天宇澄清瀾山中寄聲
否紅塵舊老我青秧新插為寧幸田畯喜何能屬車
鵝

誦公十妙語便覺舒華年意與境俱會超凌心欲
仙

登逍遙閣

廬山

松杉闕琳宮仙君朝帝所神風故靜默人間漫今古
地靈驅鳥雀磬聲肅壇宇倚檻夕陽間雲山認歸路

謝李伯時自臨安見過台州

我生雅志泉石間金閨通藉誠厚顏真人下憫羈勒
舊琳館許辭鶴鷺班
念公萬里面異俗睠我南來忘趼足它時短幅問死
生為向荒寒訪雲屋

與曹道士

吾宗有佳士，導江秀賢支。妙處本清淨，浩氣蟠虹蜺。
駕言還廬山，春臺方融怡。他時鳴雲墩，共採桐栢芝。

擬古

君有西州役，金爐斷夕香。虛寫伴，未獨惟有明月光。
悵深清露寒，繡冷雙鴛鴦。明發持似君，知妾心淒涼。

戲作

昨日暴熱加，蘊隆今日寒。色如窮冬，居然寒暑變春。
事大鈞造化，誰始終。我欲直前扣天闕，萬神森衛不
可謁。上玄豈縱勾芒神，朝驅赫日夜沉月，吹香濕玉。

失長養，發陳豐。啓若徒設願，天勿令移指。麾却收止
令還春，曦暄風布暖。活貧窶，免詠眉山御。臘衣

效寒山體

嗟我世間人，有山只暫聚。富貴空中花，遇合風裏
絮。夜々植業種，朝々奔苦趣。佛有妙蓮華，讀取平
等句。

嗟我世間人，強有六親念。有子是惡少，目如作美
艷。分香且供佛，有財莫言儉。俯仰即異世，六尺那
可占。蘊業蘇於如，小寒林。豈亦以知，聖賢若未歸。

新秋自喜信筆業餘闌干道意出遊園

娟、秋色來不慳，翩翩落葉鋪闌干。葦鶯社燕，圓
中靜蘆葉藕花，波水寒我生逢辰，似陸賈老去恨
未歸。長安天公賜以八旬，老客况如寄僧家園，
審放意山林，扁舟東去，引企不已，偶得
積陰掃秋風，吹作今夕月。山嶽回高寒，天地一澄
徹。幽人渺何許，應喜清暉發一樽。不同樂孤光共
愁絕。

人倫僧求字

上人早出岷峨山，頗將五嶺崎嶇還。妙定休咎指諸
掌，會心不出眉宇間。願予從來多得喪，歸老林泉喜
無量。它年見我巖壑中，應咲如如得非相。

過江州柴桑淵明故居

羗廬游遍僧家園，南望柴桑墟里煙。但尋曠畦供指
畫，不知市井令幾遷。五柳既無只衰草，三徑莫識皆
平田。欲歸回顧但遐想，歸來高致猶凜然。

感齒髮之衰作詩自解

我生飽艱苦，初年心已衰。况今七十化形憊，聊支持
頭童漸不來。齒敗餘墻圍髮落尚爾，齒豁良依。

治圃

腰斧治小圃樸樹久不省如芽盡芟除條達出秀整
臨津獲梅株苦玉作寒烟三遠無所栽留看橫斜影

虛飄飄

虛飄飄虛飄飄禹門三級浪仙子百花橋雲霧輕作
霰蒼溜凍成條游絲千尺網春色掣電一絲收遠霄
虛飄飄虛飄飄此時幻聚猶堅牢

梅

吾家舍西多此梅白玉花綴棠棣枝冒寒糝人已蘊
玉自開及謝酒屢持羈栖臨安三換歲向來一醉知

無期君家此花富冰艷舉觴折贈如雲披欣然拱眎
不暇揖生想故隱增依依只今匏繫未歸去俗鞅吏
網相驅馳就公看花仍摘實信美我語如觀頤祇應
兩庵有歸夢一到花下奚復疑

寄張達道

茅峰何山亦何好瑤木琪華並三島其間岩洞邃且
深隱居仙人得窮討遠業已跨雪色驢諸孫何能玉
顏老黑虎會有青鸞信洞章同夢池塘草閔鍵真符
付自爾鴛鴦瓊壺每傾倒頗聞雲篆經九試自應太
上傳三寶他年芸屨謁凝神洗心拱聽無上道

七言三寶送鄭猷歸福唐

君家有唐第一人耕隱谷口同子真臨安始終三十
載我亦掛冠君歸聞重話向來倦游處蒼顏禿鬢皆
如銀喜君南歸不可從鴈飛時寄天台春

惟公秉操如仙官一任酷暑兼祈寒存心香火接造
物達誠果再逢竹冠應言蓬萊有至樂六十九洞無
纖惡松姿鶴態不復老琪葉瑤房未嘗落上庵至真
聞屢過口付訣目相琢磨公今得妙騎逸駕我嗟老
景飛輕梭願投黃寧拯將溺有香一瓣致禮敬誦生

神歌

先生有號復有官不畏隆暑兼祁寒歸來山中侶松
檜無愧太上翔雲冠我比同庵有餘樂雲山百好無
一惡喜君宏度如容波媿我大匏真護落乃今漂流
如無何進退未果徒鐫磨夢魂游揚歌舞蝶歸意浩
蕩遙飛梭得歸冲雷雖當侵伐後一醉尚可同詠歸
山歌

與馬通判

皖山邃密常若春中有仙士久隱淪幅巾嘯傲喜接
物彷彿白鶴乘孤雲竭来帝所暫疾止疊々清言償

所喜內慙已老不受教猶幸一奉祀橋履

題衛太尉岩集團

衛公雅志安林泉稟生似無塵土綠英標孤映出群
鶴姿儀容際三界仙居臨山麓絕煥麗楚松竹相後
先幽岩嵌空截綠玉嘉禾蔭映搖蒼煙喜招社友共清
集中有一老談幽禪其餘六逸咸自若炷香瀹茗殊
怡然曹丘倚案獨閣筆想見窘思人所恰衆賓得
接書史樂浩氣高壓江湖天只覺談話可上漢不
擬步武猶居鄴墨隱能畫巧為女一段美事端宜
傳好辭更賦風月上勝韻直徹星辰邊他時一笑

松隱文集卷第十

律詩 五言

投連泉州顯學五十韻

某也多奇蹇艱難已十年素風惟汗簡生計只韋編
先業雖殊軌時流幸比肩固窮心尚壯鼓勇氣無前
念昔時方阮居懷影自憐廟堂蜂蠆毒宮闕犬羊羶
胡騎南趨楚天皇北狩燕六龍塵黯淡二聖淚潺
湲某以幹當能德宮扈從故國人何在新君信未傳
自陳心膽大肯避虎狼先落日盡都路西風易水壩
珥璫金不暗睿札墨仍鮮某到燕京被憲旨晝伏夜
動費持上皇御衣御札

那后進金環間道逃穹帳開緘徹御筵第知從聖化寧

復較騰騫寵錫蒙天造兵戎付路權危言垂上相邏

職俾南泉蒙恩錫帶增秩差福建路分以奏虜復記

丹陽渡初移御座舩孤城逃守令血陣擁戈鋌法駕

方登頓生民豈保全嬰城因率爾拔劍意茫然軍旅

增提振困儲不棄拍詔封霑錄用師氣亦周旋比權

府兵官經車駕渡江南幸府中率皆部領終如舊奔

馳信有綠萱遶方舞綵紉序忽終天遽見炎涼變悲

隨節物遷故園愁緒外歸橐淚痕邊朋舊仍稀闊飢

寒念接連豈惟裘已弊政坐履長穿塵土千山道風

濤萬仞淵輿臺俱偃蹇鞍馬亦逃遭茲幸提封肅方

依刺史賢宣恩持閩寄持橐下班聯日煖黃龍北風

遲紫帽巔黃龍紫帽山名五兵咸內戢千雉即中堅廡屋除

餘壞榕陰上故煙既能防勇鬪誰敢闕緡錢黠吏俱

冥迹虛詞詎得專禦流先治棧發偽不輕蠲燕寢鈴

無響虞遶草有芊盡欣新政下一洗宿痾痊良蓋聃

均佚神舟艤濟川藩維隨振舉風日遂清妍只恐三

台近行看一札宣第功宜玉帶歸照稱金蓮徑入雲

臺仗宜陳述職篇泉人心恋、閩部思綿、內顧茲

緣病趨承失備員但能懷惠養愧不預橐鞬恐後瞻

依便先伸梗槩度東鈞今有待拱手聽陶甄

張右相生日二

玉律歌無射金風下四莖三台丞相位一德將臣星
彌亮時師表文章世典刑百神扶大手遠業慶千齡
氣稟無為秀鍾靈付秉鈞周南知盛德江左在斯民
衮繡東山望貂蟬綵服春帝師殊壽祉漢祚有元臣

曾端伯自承移帥川口有懷風旨無便附

信忽領教喜成小詩附便奉呈三首

好在曾夫子寧追晤語期倚毗離楚日鼓吹入夔時
赤甲薰風近黃堂淑景遲相望邈坤軸空詠竹枝詞

衣初先九澗此日上瞿塘風月動官柳旌旗開蜀

疆詩壇凌李杜政績過龔黃追詔知非晚肯今生
智囊

某也庵居久心形付自然山林葺老退松竹養風
烟遇物元非遠尋真自一天懷人會心處熟誦見

山篇

和賀子忱喜雪

蘊玉梅初艷埋青麥自豐漸冰留水研時喜拂窓
風能賦懷王粲開樽憶孔融警寒方認鶴掃逕屢
嗔童色動書帷白寒侵蠟炬紅刺溪方逸想秀白

墮春工豈意踈慵外猶存引領中須君乘暖景一
咲得相同

和泉伯幽思韻

蕭、雲日靜細、竹風侵寔影方虛白爐烟一沒
沉帝鄉恰久客歸夢亦何心洞戶褰珠網應煩問
葉砧

每惜年華易風燈與鑿光心情成老大世態只炎
涼冷入芭蕉雨煙輕薛荔牆故人愁更遠夜、渡
清湘

和子忱惠八月青梅

神仙聞水部妙物與長生鼎飪元滋味山樊好弟兄
佳音當有象短韻已驅兵試咽甘酸處行看雪裏英

和錢處和野堂

日淨嵐光上山麓野意添海潮來隱几越岫巧當
簾絕俗宜招隱論詩未屬厭居維朝市近事、見
安恬
堂隱雲將隔名高客已知半巖施匠石一室見操
為鐘鼎功方著山林與未遲蘭臺風致在更喜讀
新詩

和
久雨

綠漲東籬菊相凋古井欄雨頻傷早穀烟冷佐新
寒有木皆生耳何顏得渥丹平章濟農事清坐且
團

眩瞖知陰久茶甌不厭濃第憂沉稼穡寧問浸笑

蓉天潤翻盆雨雲昏淡墨峰長安鼎烹者列坐正

撞鐘連朝陰未斷仰食慮尤深簷溜無窮響村燈幾處

砧吾兒詩有債老我韻勞心屏翳安能借吹天掃

積陰

和曾守有作

問俗猶秋熟移牀趁晚涼笑談懷酒伴節物念吾

鄉聞道銀槽熟思傾玉指香政湏圖一醉寧漫較

行觴

其人見貽

其也多奇蹇當年侍玉除馳驅先轅馬扈從遠幽

都守已常安分臨官嘆自愚肯甘方薄官一語異

逢途

和玉應夫見貽

不見應夫久永懷清晤同名高湖海內詩在笑譚

中光泛崇蘭露香傳碧桂風只應家學著更看廟

堂功
况味年来薄
書香寄亦稀
乱離多病後
人物故園非
潮揭當年會
明儕幾旒歸
悲心那聽此
生理念依微

和震溪

常憶震溪老
伽陀日益多
津梁今坐斷
風月奈君何
清梵山嵐路
南薰歸滿柯
何時話睽闊
范屨入

雲蘿

和曾欽父見寄

活水從流竹
閑書會引眠
玉溪何處所
壁月共清

圓詩到惟供
錄歡如不隔
年何當見風
度應向日華
邊

小庵雲而上
朝檻俯晴雷
客子得幽勝
道人時往來
閑情聊自喜
昔事不堪哀
冲齋從茲老
何能叙玉臺

和茅山張達道

茅岫葳清隱
詩仙秀格春
道真淵有妙
素守峻能循
鶴奔秋聲詩
遠成句法新
遙知游詠樂
言筆更如神

好笑曹功顯
山林過幾春
世緣猶積巖
塵網復因

循踵息綿如在顛毛雪更新歲華行八十泉石正
馳神

和國器喜以事業為懷

鄭氏傳家學詩書不愧心佩刀知素業尤序况同
襟但喜知難字何能識至音小軒多暇日為賦九

州箴

久無軒冕意出處亦何心世味思三沐花風快一
襟喜君方礪志願我豈知音鑿手非吾事深慚不
可箴

次韻呈南嘉

塞北初辭虜泉南濫提戎請纓懷壯節橫槩媿家
風草木年華晚閨河鼓角雄何當一笑粲要賦馬
群空

用李參政游延福寺韻上之

落日泉南郡秋風嶺北城台符均庶等杖屨喜幽
行與客情文重持懷事物輕致君皆典禮躋俗尚
丕平相業甌名在持華體韻成豈惟才廣大且復
性澄泓賤子欣承庇微官得代耕孤單常自畏比
數欲誰名橐有書千卷家無屋一楹朝廷今再造
心跡漸雙清山轉客容薄天迷海色橫心期奉祀

履銘治在高情
和同官問耳疾

行年七十化曠景亦乘時日近尤為崇雷轟尚弗
知顧多居士病賴有寧馨兒若得都無聽唯哦見
贈詩

鐘鼓亦無與哀殘亦任時歲華髡鬢上心事水雲
知尚若冷然善何能養就兒數篇存雅道三復愧
新詩

牛鬪當年事何當復此時警手雖有象默爾類無
知不作多聞士難尤造物兒倘能三耳出更誦五

言詩

惛心雖情、藥物亦時、半耳念非病全身贖始

知三湘懷楚此一權憶吳兒會見相陪處應多古
錦詩

袁宏方詠史江揔得隨時歸與連天去文盟落筆
知雨多移蟻蛭花過靜蜂兒賴有西齋友薰風正
入詩

中原困戎馬久欲謁明時文軌雖非昔英雄似未
知寰中無好漢帳下得猪兒慨念燕然勒終還吉
甫詩

久雨

五月正陽月何嘗與雨期
淡句簷溜注深夕水舞
馳古屋床、漏苔墻堵、隙子索誰復餉勾漏政
須鑿

蝕餘仍苦雨猶爾晦陽暉
浩、陂三尺家、水平
靡汨陳非佛意昏執盖天
机祈懇須冥造當人要
連微

一旬連夜雨人物困泥中
竹樹侵書暗潢流趨路通
竈煙薪更濕簷溜耳難聰
潤逼衣襟重何時日始東

言詩

